

倘

湖

樵

書

倘湖樵書二編卷之十一目錄

蕭山來集之元成父纂輯

孤經

菱花鏡七星劍

雨工似羊

善哭其夫

冬蟲斯

蜘蛛蚯蚓蝦蟆蟋蟀

懶婦

婦人之笑

社燕社魚

克明

髮

字義

多女少男

水之異候

冷暖泉

門生

秋

蟲名似人名

保叔塔

緣赤豆神奇

不畏強禦

龍鳳亦有凡近者

水火治病

動植之物報時

諸葛武侯遺蹟

周禮有不可通行于今者

戰勝不用兵刃

月因地異

以少少許勝敵

孤經

唐制以禮記春秋左氏傳爲大經詩周禮儀禮爲中經
易尚書公穀傳爲小經此或以簡帙繁簡爲次第也
近人以禮記春秋爲孤經蓋以誦習之者較少耳然
孤亦有大之義與唐語暗合 洪武三年庚戌始開
科就試者鄉舉士百二十三人中式者七十二人
年京畿復鄉試尋又合諸省之士會試凡二百人中
式者百二十人其三年所舉鄉試士未及會試悉授
官六年停罷科舉十七年復頒行科舉第一場試四

書義三道每道二百字以上經義四道每道三百字
以上未能者試各減一道四書義主朱子集註經義
詩主朱子集傳易主程朱傳書主蔡氏傳及古註疏
春秋主左氏公羊穀梁胡氏張洽傳禮記主古註疏
其易之廢程而專用朱春秋之廢張而專用胡不知
起于何時然程氏易傳人多有閱之者至張洽春秋
傳今全本無有行世者而習春秋者且不知其名矣
朱平涵云春秋出傳題不知何始天順年間浙江
摘一十六股配題頭緒茫然至刻程文簡畧蘇甚名

雖搭題實則射覆學者認題稍左即便黜落永嘉教諭雍懋上書言之命禮部議行至霍渭崖主會試止出單題余習此經甚以爲苦嘗館某家見一老生施臣道每至挾一二新題索謝則俗所謂換比是也如舊爲宰叵則易宰周公之類一時駭爲奇老生尋以貢入京館于某給事所給事故春秋名家甚稱之其時復差京考競向給事乞題卽以老生所換者與之至有通場不記所司聊且備數者王給事士昌言之乃得少止貢士不久亦死春秋傳題以傳語而配

之以經以傳之年月爲主不從經之年月也若位置
一差則習經者無繇識認而難以行文矣天啓甲子
春秋傳題錯于位置習春秋者闕稟監場御史御史
云此時無啓簾請問題旨之理各以已意行文而命
分閱者勿拘可耳崇禎己卯章給事正宸以鄉會騰
經之魁出典湖廣試命春秋題亦錯如此其難也康
熙庚戌蔣太史超具題革去傳題止存單合然後春
秋之葛藤廓然一清

菱花鏡七星劍

古人以鏡爲菱花或云鑄鏡爲角者六以象菱花之形然何以鑄鏡獨象菱花之形乎且右軍所書扇名六角不問卽名菱花扇也凡花向日獨菱花背日而開鏡之爲物向日而照則不可以鑑物惟背日而照則明彩頓生所以取義于菱花也仇池筆記云菱花開背日芡花開向日故芡熱而菱寒耳 凡鑄劍者多缺其文爲七星意謂取其借北斗之形以壯威耳然而亦有說焉斗杓之所指爲建建之對爲破凡行

兵之法須坐建以擊破不可坐破以擊建故鑄劍而飾以七星者明乎劍鋒之所向人不得而逆之耳太歲爲一歲之君一切造葬選擇之法不可對着太歲故訣云太歲可坐不可向又六壬奇門之用貴人貴人之所對爲天空惟利遁逃不可作他事蓋十二神以貴人爲尊左列五神右列五神其前面無神可對則空之耳獨太陽爲人君之象而選擇之法可坐亦可對者日以光用事坐之則挾其尊貴之勢對之則光愈滿且諸兇星亦不敢而退避之故特用太陽耳

雨工似羊

孔子辨兆雨之鳥曰商羊穿井而得土之怪曰翬羊
幽明錄有人墮洛中洞穴中見一羊捋其鬚得珠而
食之還問張華華曰羊乃凝龍也異聞錄云柳毅于
涇陽見婦人牧羊道畔怪而問之曰洞庭龍君小女
也問牧羊何用曰非羊也雨工也雷霆之類也唐五
行志云乾符二年洛陽建春門外暴雨有物墮地如
羖羊不食頃之入地中其跡月餘不滅或以爲雨工
也占曰當旱然則主雨者果多似羊者耶白澤圖曰

羊有一角當頂上龍也陰陽自然變化論曰龍不見
石人不見風魚不見水鬼不見地羊不見雨狗不見
雪夫羊不見雨而雨工反多似羊又何解也

善哭其夫

左傳及檀弓齊莊公襲莒門於且于傷股而退明日

將復戰期于壽舒杞植

卽杞梁

華還

卽華周

載甲夜入且

于之隧明日莒子親鼓之從而伐之獲杞梁莒人行

成齊侯歸遇杞梁之妻于郊使弔之辭曰植之有罪

何辱命焉若免于罪猶有先人之敝廬在下妾不得

與于郊弔齊侯弔諸其室夫不受郊弔而返于室此

所爲善哭其夫也哀公使人弔賁尚遇諸道辟于路

畫宮而受弔焉曾子曰賁尚不如杞梁之妻之知禮

也夫舉動合禮而感于人此所爲變國俗也自孟子
善哭其夫而變國俗之言一出紛紛附會列女傳齊
莊公襲莒杞植戰而死其妻無所歸乃枕其夫之尸
于城下而哭十日而城爲之崩旣葬遂投淄水而死
崔豹古今註曰杞梁妻者杞植妻妹朝日之所作也
植戰死妻曰上則無父中則無夫下則無子人生之
苦至矣乃抗聲長哭杞都城感之而頽遂投水而死
其妹悲姊之貞乃作歌名曰杞梁妻焉經傳並不載
城崩之事卽樂府諸書所云城崩亦止杞都城耳宋

吳邁遠杞梁妻詩所謂驚心眩白日長洲崩秋雲精
微貫穹吳高城爲隕墜是也後世轉相傳訛遂云哭
倒長城唐僧貫休賦杞梁妻云秦之無道兮四海枯
築長城兮遮北胡築人築土一萬里杞梁貞婦啼烏
鳥上無父兮中無夫下無子兮孤復孤一號城崩塞
色苦再號杞梁骨出土疲覓飢鬼相逐歸陌上少年
莫相非趙武靈王築長城秦始皇大築長城皆與杞
梁之死後數百年豈相及哉 左傳齊莊公將伐衛
爲車五乘之賓杞植華還不與植耻之歸而不食其

母曰汝生而無義死而無名則雖非五乘孰不汝美也汝生而有義死而有名則五乘之官盡汝下也趣食乃行觀此則杞梁之死義乃其母激而玉成之矣杞梁妻既死之後其妹朝日復能寫之以新聲而傳之久遠抑何罔淑之萃于一時耶人知杞梁之有妻而不知杞梁之有母又不知杞梁之有妹也故表而出之

蝻斯

蝻斯之咏止言后妃不妒忌而子孫衆多乎推而廣之陳藏器云蝻斯與蚯蚓異類同穴爲雌雄五月五日候交時收取夫婦佩之令相愛媚則琴瑟友之鐘鼓樂之可以補關雎之未及矣陸佃云草蟲鳴于上風蚯蚓鳴于下風因風而化則漢之廣江之永可以補汝墳之未及矣予觀詩人引物入咏但取一節之似而不深究其全體如麟趾麟定麟角以比公子公姓公族似也蝻乃蝗蟲之類春秋書以記災是天

下至不祥之物也但以生子衆多而况之后妃之不
妬忌自後人觀之不幾擬非其倫乎青蠅以指讒人
鷓鴣以指昏婦似也若貝錦是亦天下利用之物也
但以文采外炫而即况之以萋非之罔極不亦過乎
狼之爲物無一可取凡言所稱狼顧狼貪狼藉狼戾
狼狽總非言之跋胡疋尾典周公之碩膚赤
舄以其相反者而相參也若後世咏及螫龍而欲以
罪東坡又何爲哉

蜘蛛蚯蚓蝦蟇蟋蟀

王荊公字說云蜘蛛設一面之網物觸而後誅之知
乎誅義者故曰蜘蛛李時珍云蚓之行也引而復申
其蟻如丘故曰蚯蚓字說又云蝦蟇懷土取置遠處
一夕復還其所雖或遇之常慕而返故名蝦蟇埤雅
云蟋蟀陰物率萬物以出入至于悉蟹帥之爲蟋蟀
蟹能帥陰陽之悉者也知而誅丘而引還而慕悉而
帥四義似巧鑿寔出天然他如知君臣之義則蟻字
從乎義調聲音之和則蚓字從乎調效小火之熒則

螢字從平熒皆堪深昧者也 予又推而廣之蜘蛛
常能孕珠守而抱之不脫且其腹亦圓如珠知珠如
知縣知府之義故名之蜘蛛蚯蚓其性寒而下行性
寒故能解諸熱疾下行故能利小便而通經絡其屎
爲六乙泥堆積如蚯而性復引氣下行故名蚯蚓三
足蝦蟇入月則還而慕之兩字亦可以概之月令夏
至之後反舌無聲反舌蝦蟇也若反舌有聲則佞人
在側蝦蟇擲糞自其口中出比于佞人宜矣蝦言其
聲蟇言其形佞人可惡亦如之蟋蟀率百物而入之

悉七月之詩曰五月斯螽動股六月莎鷄振羽七月
在野八月在宇九月在戶十月蟋蟀入我床下穹窒
薰鼠塞向墜戶嗟我婦子曰爲改歲入此室處其身
漸漸自外入內不特帥百物而入之卽人民婦子亦
悉帥而入之矣 又推而廣之李時珍云蛺蝶輕薄
夾翅而飛葉葉然也蛾美于眉蝶美于鬚俗謂鬚爲
鬚故又爲蝴蝶 蜂尾垂鋒故謂之蜂蜂有禮范故
謂之蜚蜂造蜜蠟而皆成鬚故謂之蠟 螻蛄俗傳
齊人曹氏之子所化此妄言也蟬名齊女亦云是齊

王后怨王而死故化 螳螂兩臂如斧當轍不避得

當郎之名其子輕飄如綃故名桑嫫蚘 蚘音刺蟲在

窠鵲好食窠中之子故名鵲堯

嬾婦

異物志云昔有婦嬾織姑搗之死爲嬾婦獸其膏以照讀書紡績則暗若晏會歌舞則明此獸名嬾婦者也酉陽雜俎奔鱓一名淵非魚非蛟大如船長二三丈若鮎有兩乳在腹下如人取其子著岸上聲如嬰兒啼頂上有孔通頭氣出赫赫作聲必大風相傳嬾婦所化殺一頭得膏三四斛取之燒燈照讀書紡績則暗照飲樂處則明此魚之名嬾婦者也古今註蟋蟀一名秋吟葦秋初生得寒則鳴噪濟南人謂之嬾

婦此蟲名懶婦者也述異記桂林有睡草見之則令人
一名醉草亦呼懶婦箴出南海也此草之名懶
婦者也是何世間懶婦之多或爲獸或爲魚或爲蟲
或爲草彼催畊之鳥絡緯之蟲守宮之槐護門之草
相去又何如哉予以爲本草凡魚獸脂爲燈皆損目
歌舞飲宴其用力者少故覺其明若誦讀則字字
關心紡績則絲絲經手則眼魔而燈暗矣范成大桂
海虞衡志懶婦如山猪而小喜食禾田夫以機杼織
維之器掛田所則不復近是與此獸之惡力作者矣

此傳者之深文也段公路北戶錄云鱣魚如指長七
八寸但有脊骨曝作燭極有光明 北戶錄鱣菜五
六月生田塍中葉類茨菰根如藕稍土人採根爲鹽
菹或云食之好睡郭子橫云五味草食之不使人睡
亦名却睡草

婦人之笑

唐人詩云西施醉舞嬌無力笑倚東京白玉床言蔡
光好笑而麋鹿走于姑蘓也又云回頭一笑百媚生
六宮粉黛無顏色言楊妃好笑而鼙鼓動于漁陽也
乃如已不好笑必見炮烙之刑而後笑褒姒不好笑
必見烽火之戲而後笑吾又安知不好笑之爲是而
好笑之爲非如息媯入楚不言何況于笑而唐人詩
曰細腰宮裏露桃新默默無言幾度春畢竟息亡緣
底事可憐金谷墮樓人蓋責備賢者之意也予謂詩

云巧笑倩兮美目盼兮是婦人之美多在于笑也史記箕子過殷墟欲哭則不敢欲泣爲近于婦人是婦人之性多善于泣也諸笑人者以一笑而傾人城杞梁妻又以一哭而崩杞之城是婦人者笑又不得哭又不得笑旣不得而不笑又不得諸婦人以長舌而喪人之國而息媯又以不言而喪兩國是婦人者言又不得不言又不得左氏云尤物移人又曰溪山大澤實生龍蛇彼美予懼其生龍蛇以禍汝則但問其尤物何如耳不必問其笑不笑言不言也

社燕社魚

陳藏器云嘉魚出于丙穴李善註魚以丙日出穴或云穴向丙耳魚豈能擇日出入耶抱朴子云燕避戊巳鶴知夜半鵲知太歲蛇知巳日魚豈不知丙日乎予嘗考之燕春社來秋社去故名社燕而夔州志云嘉魚春社前出秋社後歸是燕與嘉魚皆能知社者矣按立春後第五戊爲春社而稽含社賦序云有漢卜日丙午魏氏擇用丁未是取社之法各有不同以戊日爲社故云燕知戊巳以丙日爲社嘉魚知社豈

不可云嘉魚知丙哉戊可以兼巳故言戊遂可以不
言巳丙可以兼丁故言丙亦不必更言丁耳從而廣
之魚腸謂之乙燕呼謂之乙魚尾謂之丙則燕尾豈
不可謂之丙燕與魚其共渙于天干之學者哉 雷
敷云海竭江枯椽游波而立泛淮南子云燕入水爲
蛟蜃陶弘景曰食燕肉者入水爲蛟龍所吞李時珍
云燕或蟄于井底而祈禱家用燕召龍他如燕窩之
聚于海濱石燕之飛于雨候燕之與魚其相得而益
彰者乎 夏小正註云凡魚冬則氣在腹故降春則

氣在背故升陳眉公云魚行隨陽春夏浮而迎流秋冬沒而順流益州記云嘉魚食乳泉出丙穴二三月隨水出穴八九月逆水入穴嘉魚固與衆魚異趨哉來子曰此嘉魚之所以爲嘉也燕知社魚亦知社謂魚與燕類可也雁隨陽魚亦隨陽謂魚與雁類可也柳州有燕泉以燕來時泉生燕去泉涸則此泉亦可名社泉也說畧蛤有三皆生于海蛤蠟千歲鳥所化也海蛤百歲燕所化也魁蛤一名復老服翼所化故梁元帝謝賚蛤蜊啓曰雀文始化燕羽猶在

周吉甫云予市上見燕子魚與燕無異不敢買食
問之老漁曰每八月或網獲之不能多得其味甚美
則燕與魚果有合而爲一者矣

克明

元以大明殿爲正衙而代元者卽大明 崇禎皇帝
于崇禎十三年間自書克明峻德四字于扁懸之內
殿一時制舉之家咸揣摩此語必當試闈出題不數
年而明且受克矣懸此扁時蓋 清朝之崇德五年

也夫崇德豈非峻德哉 說畧五代陳宮中梳隨雲
髻卽暈粧隋煬帝令宮人梳迎唐入髮髻異哉陳宮
而梳隨雲髻隋宮復梳迎唐髻皆預應入隋居唐之
徵 懸楊篇云盧溝城崇禎中所建賜名拱極城其

南門額曰永昌北門額曰順治後李賊破京師僞稱
永昌元年而順治遂爲當今之年號兩皆恰合人
以爲前讖又劉青田有廟祠在其邑之街衢丙戌丁
亥間有大帥督兵過而惡之下令拆毀甫墮一墻卽
于中得剃刀一張順治錢一枚帥見大駭乃止不毀

髮

閩穀清異錄云世有十樣物皆禿首者也一僧二尼
三老翁四小兒五優伶六角觚七泗魚漢八打狐人
九禿瘡十酒禿十樣禿首皆謂之佛不知何旨按葉
臺山九邊考云土魯番有山山石青黑遠望紛如毛
髮人言此十萬羅漢洗頭削髮處也又陝西通志云
髮塔在山丹衛治東南隅洪武二十四年取土築城
得鐵佛五石函函內藏髮又有石爐鐫文曰髮塔因
稱之以削髮之地而山留其形于髮剝之後而石函

于塔孰謂釋氏輕視髮乎

昨夢錄云滑屋南沙嘴

立一塔塔中安佛髮長及二丈有奇拳爲巨螺其大

如容數升物之器髮之色非赤非青非綠人間無此

色也髮根大于人指自根至杪漸殺焉使兩人對牽

之人自其中往來無礙 異苑云月支國有佛髮盛

以琉璃甕 酉陽雜俎云萬物無不化惟淤泥中漆

筋及髮藥力不能使化又解州鹽池投之各物無不

化爲鹽卽牛馬與人骸投入亦然惟人髮不化而本

草又云人髮化鱗魚則髮又非不化之物矣 南史

梁大同五年扶南國遣使獻生犀因言其國有佛髮
長一丈二尺帝詔遣沙門釋曇寶隨使往迎致之先
是三年帝改造阿育王佛塔出舊塔下舍利及佛爪
髮髮青紺色衆僧以手伸之隨手長短於之則旋屈
如蠶形按僧伽經云佛髮青而細如薊莖絲又三昧
經云我昔在宮沐頭以尺量髮長一丈二尺放已右
旋還成蠶文則與帝所得同也 北史于闐國王姓
王其王髮不令人見俗言見王髮其年必儉 志怪
錄云孤山寺前楓樹上有一鵲巢甚偉人上取其子

探得頭髮子數結光潤各長五尺莫知其由 聞奇錄云瑯琊費縣民家常患失物謂是偷者每以扇鑰爲意常周行宅內後果見籬下有一穿穴可容人臂滑澤有踪跡乃作繩強放穴口夜中忽聞有擺撲聲往掩得一髮長可三尺許從此無復所失

字義

萬盈數也萬在下爲厲萬在上爲萬無美辭焉是以君子貴乎持盈也一始數也一在下爲上一在上爲下無定詞焉是以君子貴乎慎始也 仁字從人故慈愛及人義字從我故裁斷在我董仲舒亦云以仁治人以義治我 讀書偶見云金陵人喜解字以同田爲富分貝爲貧田家耕用亥口蓋亥日之地直土是天倉星以建辰月祭靈星以求農耕靈星是天田星在于辰位故農字從辰 維園鉛摘云說文直正

見也從心從十從日徐曰心隱也令十日所見是直也說文真仙人變形而登天也從匕從目從しし音隱入者所乘載也徐曰真者仙也化也匕者化也反人爲匕從目鹵莽不能識し隱也入其所乘也乘風雲也丹鉛云左傳解詩好是正直云正直爲正正曲爲直正直二器名正射鵠也射禮用之直曲尺也梓人用之二字之形卽象二器 宋景文祁筆記春秋說以人十四心爲德詩說以二在天下爲酉漢書以貨泉爲白水真人新論以金昆爲銀三國志以天上

有口爲吳晉書以黃頭小人爲恭宋書以召刀爲劔
左傳止戈爲武反正爲乏亥有二首六身 古文
卯本柳字後借爲辰卯之卯北本別字後借爲西北
之北虞翻笑鄭玄不識古文以卯爲昧訓北曰比猶
別也 蜀都雜鈔云正字以一止爲文前代多諱如
齊文宣之子殷字正道嘆曰吾兄其替乎後果不終
梁武陵王改元曰天正識者以爲一年而敗此亂亡
之事或出偶然考之帝王建元自漢武始兩漢之世
無有以正紀年者至魏齊王芳改元曰正始高貴鄉

公曰正元竟俱不祥金煬王有正元正隆之號金哀
宗亡國之年亦曰正大元順帝終于至正豈盡偶然
耶後世臨文亦稍避所謂宰相須用讀書人也 唐
以廣明建號而或拆之曰唐去丑口而入黃遂兆黃
巢之禍宋以宣和建號而或拆之曰一曰宋亡遂有
北狩之事李順反于蜀中而或拆順字曰居川之旁
一百八日吳曦反于蜀中而或拆曦字曰八十二日
我乃被戈其後皆如期而驗其偶然耶其天實爲之

多女少男

周官職方云揚州之民二男而五女前漢書地理志云初淮南王取國中民家有女者以待游士而妻之故至今多女而少男近時天下之娶妾者皆歸之揚州豈揚州果多女乎漢書又云江南卑濕丈夫多天是又以多女少男之言而附益之者矣 異哉班孟堅序地理也曰鄭土陜而險山居谷汲男女亟聚會故其俗淫曰衛地有桑間濮上之阻男女亦亟聚會聲色生焉故俗稱鄭衛之音曰趙中山地薄人衆猶

有涉丘紂淫亂餘民大夫相聚游戲悲歌慷慨起則
椎剽掘冢作姦巧多弄物爲倡優女子彈絃跕躑游
媚徧諸侯之後宮曰燕太子丹喜兵養勇士不愛後
宮美女民化以爲俗至今猶賓客相遇以婦侍宿嫁
娶之文男女無別反以爲榮燕丹遺風也曰齊襄公
淫亂姑姊妹不嫁于是令國中民家長女不嫁名曰
巫兒爲家主祠嫁者不利其家民至今以爲俗曰吳
自淮南王好異國中民家有女者以待游士而妻之
故至今多女而少男夫芍藥贈而伊相謔彤管貽而

美且異風之所靡匪朝伊夕豈必大力者負之而趨哉若保逐牛飲下效于上行敵笱狐綏風移而草偃所謂從惡如崩下流衆歸者也乃燕丹忠憤養士豈易水之長虹爲蟠棘之莫指淮南好客昇仙豈雲中之鷄犬爲鶉奔之無良而顧以習俗之移人爲一人之作俑乎 後漢書倭國多女子大人皆有四五妻其餘亦不減二二三女不淫不妬 尋甸有野蠻以木皮蔽體形貌醜惡男少女多一夫有數十妻持木弓以禦盜 抱朴子案周典九土之記及漢氏地理之

最天下女數多于男焉

輿雅云麋十百爲羣多牝少牡八言一牡交十餘牝
小史集雅云狐不二雄麋當十牝 象一牡管牝三
十餘牝者牙纔近尺俱送牝者水草臥則環守牝象
死其穴地埋之號吼移時方散 李時珍曰鹿性淫

一牡常交數牝謂之聚麀抱朴子曰南山多鹿每一
雄遊牝百數麋鹿屬也海陵間最多千百爲羣多牝
少牡齊東野語云野婆山南丹州黃髮椎髻裸形跣
足儼然若一媪也羣雌無牡上下山谷如飛猿白腰

以下有皮蓋膝每遇男子必負去求合 異物志云
尚魚似鱗卽石斑魚有雌無雄而性淫春日與蛇醫
交化 本草云天下之鬼皆雌惟月中鬼爲雄故皆
中秋望月而孕 范蠡養魚經云以六畝池爲池池
中有九洲多蓄菱荇水草壘折爲之求懷子鯉魚長
三尺者二十頭牡鯉魚長三尺者四頭以三月上庚
日納池中令水無聲魚必生 凡民家蓄鴨一二百
爲羣皆雌得一雄鴨游泳其間則皆孕而生耶凡犬
羊豕牛之類皆牝多而牡少鯉魚鯽魚皆雌多孕子

若鱗魚至三四月間母魚皆孕子無一雄者江陰人謂之子鱗而入貢天府焉可見陰之勝于陽也豈獨揚州多女少男已哉

水之異候

天下之水有以冬夏分氣候者水經注山陰縣西四十里有二溪東溪廣一丈九尺冬暖夏冷西溪廣三丈五尺冬冷夏暖 寰宇記梁山縣多喜山有浴丹井春夏則左盈右竭秋冬則右盈左竭各雌雄井見物雌雄則中 一統志知時泉在道州城望仙門內鑿石

象龍以導其流夏至則盈冬至則涸 靖州有燕泉

在州城西以燕來時泉出燕去時泉涸宋折彥質居

郴時剪茅爲亭曰燕泉亭

見社燕社魚則中

有以一月分

氣候者寰宇記瓊海之潮半月東流半月西流 黃

衷海語云占城國出外羅歷大佛靈以至崑崙山自

朔至望潮東旋而西自望至晦卽西旋而東此乃海

中潮汐之變 華清宮下水左右四竅應潮望不爽

內江鍾影山在縣西二十九里有二泉更流迭至

與晦朔之盈朔相應 有以一日而分成一潮兩潮

三潮四潮者 南漳縣西有潮水一日止一潮 蜀

青城山有延慶宮西有嘗道觀其南有六時水于陽

時則洒然而下陰時則無晝夜凡六時洒水雲笈七

錄云黃帝命審君爲五岳丈人嶽神一月再朝虛中
酒水以代刻漏一日六時酒水上無泉源下無流注
應時懸降勢若暴雨人或炷香祝而引之自東自西
隨香而洒可移數步之內 桂林府聖水巖側子時
潮上午時潮落三五十年有一大潮 吉安永豐縣
有泉曰沙井一日三潮湧水移時復乾溉田可數畝
號曰潮田 饒州鳳遊山麓有石竅可尺許日常兩
潮其出洶湧其收盡涸 贛州府治興賢門崇真堂
其水每日三潮滿溢井口 江西興國州有三潮泉

一日三湧 侯官縣應潮泉在雲峯寺廣一二尺水

繞數寸進退淺淡與潮候無少差 京山縣有潮水

泉隱于石一日兩潮潮則有聲如雷水卽汎濫俄頃

聲息水退 郴州浪井在黃岑山其水一日三潮

又潮泉在郴州城南二十里一日三湧三退若潮候

然 湖廣寶慶府新化縣黎山有巖每日三潮高起

數尺不爽 廣東連州城南有潮泉其泉晝夜消長

與海潮相應 九華山有潮泉一日三至 廣西天

河縣有三潮水一日三潮潮退則其流一線可以漑

田氏受其利因名聖水 巴東縣有三潮水石澗之中一日三次如潮湧者然 南川縣有三潮泉早晚應潮候者三每潮至響聲如雷春秋分其潮倍常

雅州北百四十里山谷中湧泉深不可測一日三潮風浪如雷 綏縣有三漲水卽羅甘溪也其源出于古井每日辰午申三潮不爽 武隆縣有信水在峽

口其泉如沸水與江等日有三潮每至則高尺餘雲南安寧州西羅青山上有海眼泉相去數百步一

日三潮 張佳胤遊記云予遊滇安寧州溫泉聞西

岸有聖水一名海眼泉潮應子午卯酉之候時正午時亟渡溪而陟其所水自竇中出盈盈滿澗土人謂此午潮至遂名曰聖水三潮不云四者子夜故不及

見耳

廣西遷江縣有潮泉泉水湧出一日三潮

麻哈州西銅鼓山麓有水晝夜三溢不愆其候 馮

時可云滇中曹溪寺有碧玉泉甚清一日三潮以辰午酉三時水必漲滿 鷄籠山下澗中數十處累石

若人功朝湧泉如潮 廣東始興縣東有朔水月

朔即水子時即減

漢中府城固縣桃溪洞在縣治

西北水自洞出一日數潮其聲隱隱如雷 貴州發

川縣龍泉其泉或一日一漲或三日一漲消則澄清
漲卽渾濁人莫能測 廣西思恩軍民府有湧泉井

其水一日三湧 若福建遷安縣白鶴嶺有龜鏡井

潮退則泉滿潮長則泉涸每以爲驗此又應潮候而

與潮正相反殊可怪 至于水經注滄水東流與斟

水合水道源出東巖下穴口若井一日之中十盈十

竭信若潮流卽始興記所云斟溪也 貴縣有潮泉

其水盈涸不時或遇祈饗一日至三四十潮漢册其

神爲澄澗公唐設湘水縣于此至宋廢 劉汝楫云
聖泉在平壩衛西自西郭沿溪流躡石磴五里許當
登嶂巒峒中一泓自罅中迸出滙爲方池每日潮汐
無停好事者置石鼓其內潮溢咫餘下至鼓之半而
止通晝夜凡百次弇州錄名百刻泉一統志名靈泉
貴州漏洩一曰百盈百竭應漏刻外有四川瀘州
安樂山其泉有形無水遇旱祈禱則泉湧流或一壺
或二壺得泉卽雨 婆婆泉在思恩州北五十里其
泉常隱不見行人渴呼婆婆則水湧出不更奇乎

哀牢山在司城東二十里有一石如人坐懷中有二
穴名天井土人于春首視水之盈涸以下歲之豐凶
見水溢以爲吉其穴下相通取左穴水則右穴水涸
取右亦然又山下有一石狀如鼻二泉出焉一溫一
涼號爲玉泉故又名玉泉山 貴陽山泉志甘榎泉
在平頭司石崖中一泓湧出清濁分流有似涇渭之
狀

冷暖泉

水經注含淮縣南湘陂村有圓水圓廣可二百步一
邊暖一邊冷冷處極清綠淺則見石深則無底暖處
水白且濁玄素既殊溫涼亦異 南昌奉新縣九仙

山北有溫泉池池上有亭其湯一溫一沸湧出道間
往來皆得浴焉 寧縣黃龍山有冷暖水其泉共脉

一暖一冷相去數尺 廣博物志廣陵城中有一井

半青半黃黃如灰汁取作糜粥皆作金色而甚芬香

一云在吉安府城中

南雄府城北三井相連其泉一冷一溫

一熱 南康建昌縣有溫冷二泉發源相去數尺其
溫可以燂鷄豚冷者常若冰壺流出數丈外始復爲
一零都縣東紫陽觀內一泉間日甘酸甘日汲以釀
特美 大庾縣涼熱水同源而異性熱水池圍二丈
餘深尺餘流四步而合涼水東入章江 都穆云茅
山法堂東有陰陽井予往觀之井二穴而共一水以
其氣分寒煖故名 羅浮山過水北得白水山山有
佛跡院院中湧二泉其東所謂湯泉其西雪如也二
泉相去步武間而東泉熱甚殆不可觸指以西泉解

之然後調適可浴 登州招遠縣治東二泉並發一
寒一溫好事者甃石爲池引二泉注焉以便洗浴構
堂于上名曰德新又寧海州東四十里有龍泉文登
縣西七里有湯泉東北六十里有溫泉皆寒溫二泉
並發者 句容縣有半湯湖其水同一壑而半冷半
熱熱可淪鷄皆有魚魚交入輒死 崇寧一大井以
片石開二竅暴其上一竅汲以造餠一竅汲以爲染
若易竅汲之皆不能成其用 登州福山縣有奇泉
從石孔湧出味甘美冬溫夏冷 平涼府保巖山之

陰有溫冷泉半溫半冷有疾者洗滌卽愈 清水縣
東東山之麓有湧泉二脉其上泉甚溫下泉甚熱

真定府阜平縣西北八十里有湯池俗傳昔吳王經
此欲浴池水忽熱王惡之旁卽有冷泉噴出至今兩
泉一溫一冷 巢縣東北一十五里有二泉名半湯
池一冷一熱其初冷熱仍異數里之外始相混魚自
冷觸熱則急回唐羅隱詩飲水魚心知冷暖濯纓人
足識炎涼 丹陽縣東南二里有雙井最古相去數
尺南者色赤北者色黑又有沸井共四井二清二濁

騰湧滾沸晝夜不絕 池勿東流縣東歷山上有二

池其一嘗乾雖久雨不停其一嘗溢雖久旱不涸

撫州府城西三十里有池池中有伏石分爲二流其

陰水差寒其陽水常沸 衡州府桃源縣西北湯泉

常如沸湯旁又有水泉人謂之陰陽泉 廉州感縣

有溫泉夏月則冷冬月沸熱風疥瘴氣飲之者皆愈

湖廣荊門州有二泉源出峽山之麓分爲二派北

曰蒙泉南曰惠泉蒙泉常寒晝夜兩湖水溢數寸惠

泉水常溫 江西上猶縣溫冷泉泉自山溢達于江

濱瀦而爲二一溫一冷 圓泉在郴州永興縣半煖

半冷冷處極清煖處極濁 四川開縣三潮溪水冒

常三潮冬熱夏涼頗爲神異 攸縣東溫水泉其水

冬溫夏涼 永陽縣湯井有二泉其水春夏溫和秋

冬滾沸

門生

霍韜行實云霍渭崖韜初則不認毛澄李時爲座主
後已丑克會試考官亦不認三百人爲門生其言曰
是進士者天子不用爲私臣我衆執事豈敢曰士由
吾進爲吾門生市私恩乎 陳讓字以禮晉江人舉
省試第一尋第進士推官紹興諸生素誦其文及至
爭造門下時有禁有司不得私愛門生讓嘆曰吾豈
以是阻士子嚮往之心哉欣然延接躬訓勉之得其
指授多成佳士讓後拜御史疏劾巨俠劉東山之奸

又諫阻獻陵遷葬直聲大震爲時各臣 筆談云晉
崔洪爲司空薦郗詵以自代因事劾洪洪曰此挽弓
自射矣詵曰惟官是視各明至公司空袁逢舉荀爽
有道不應及逢卒爽制服三年由霍渭崖陳以禮二
人觀之一則不認門生一則直認門生而皆不害其
爲正誼也由郗詵荀爽二人觀之一則不認舉主一
則厚認舉主而皆不害其爲正誼也君子惟其正而
已 薛方山云羅景明因李西涯處于劉瑾張永之
際上書願削門生之藉可謂盡事師之道矣 今言

云方遜志在翰林寵仕時薦西楊西楊修實錄乃謬
方叩頭乞餘生西楊薦陳芳洲芳洲嗾人論西楊子
殺人伏法芳洲力薦徐武功武功竟置芳洲于鐵嶺
武功爲石亨畫奪門之策亨又置武功于金嶺近日
永嘉貴溪亦類此王行甫云武功芳洲西楊皆以其
自負者爲人所負乃天道之好還也此無他故歟以
垂戾自明其無德于斯人其視陳戶牖之于魏無知
何如 讀書鏡歐公與尹師魯蕪子美俱出杜祁公
之門歐公雖貴不替門生之禮和祁公詩云公齋每

偷暇師席屢攻堅善誨常無倦餘談亦可編又云昔
日青衫遇知己今來白首再陞堂未嘗一日忘祁公
也張芸叟哀荊公詞云慟哭一聲惟有涕故時賓客
合何如又云今日江湖從學者人人諱道是門生柳
子厚云凡號門生而不知恩之所自者非人也白樂
天云商山老皓雖休去終是留侯門下人世道之薄
久矣士大夫當日誦此言 七修類稿親傳業者爲
弟子弟子復傳于人爲門生故史記云七十二弟子
傳而歐陽公謂轉相授受者曰門生

秋

月令四月之第六候麥秋至杜子美云歸路翻蕭颯
陂塘五月秋是以夏爲秋也竹譜竹根曰竹鞭以鞭
行時分芽露白月爲春及于外苞內實冒土而生爲
秋故以鞭行時八月爲春二三月爲秋六月爲臘李
太白詩池花春映日窓竹夜鳴秋是以春爲秋也

橘錄云凍橘其類如常橘之半以歲八月八日爲小
春枝頭時作細白花旣而諸橘已黃千林已盡乃始
傲然冰雪中着子甚繁春二三月始採之亦可愛此

亦以春爲秋也歲中會計一年之禾黍大熟謂之有秋是以冬爲秋也管子曰歲有四秋而分有四時農事且作請以十五農夫賦耜鐵此之謂春之秋大夏且至絲織之所作此之謂夏之秋而大秋成五穀之所會此之謂秋之秋大冬營室中女事紡績緝縷之所作也此之謂冬之秋然則秋具四時古賢蓋先有言之者矣詩國風一日不見如三秋兮是以日爲秋也凡物始生爲春成熟爲秋故一年謂之一秋唐以太子生辰爲千秋節是以歲爲秋也而列子之荆南

眞靈以五百歲爲秋莊子之上古大椿以八千歲爲
秋焉詩含神霧曰秦地當仲秋之位是不特天有四
時而地亦有秋位矣 靈樞經岐伯曰百病皆以日
慧晝安夕加夜甚者四時之氣使然夫春生夏長秋
收冬藏是氣之常也人亦應之以一日分爲四時朝
則爲春日中則爲夏日入則爲秋夜半則爲冬朝則
人氣始生病氣衰故日慧日中人氣長長則勝邪故
安夕則人氣始衰邪氣始生故加夜半人氣入臟邪
氣獨居于身故甚也此則人身一日而四時之氣具

蟲名似人名

蠶一名杜伯

廣雅毛詩疏

蠟謂之射工

廣雅

蠟蠟謂之守宮

又謂之蛇醫

漢書詩

伊威謂之鼠婦又謂之鼠姑

詩註

一名王女又謂之齊女

古今註董仲舒曰齊王之

后怨王而死變蟬故名

蟬謂之窸母

本草

蜉蝣謂之慈母

許叔仲註淮南子

促織謂之

王孫

毛詩疏

螟蛉謂之戎女

郭註

樛雞謂之紅娘子

圖註

蜎謂之歌女

月令註

蜚謂之懶婦

古今註

螂蛆謂之吳公

廣雅

竹蜂謂之留師方言又謂之笛師

郭璞註

蛇蟲謂之

紅姑娘

本草

青蚨謂之魚父又謂之魚伯

高誘註淮南子

蜻蛉

赤者謂之赤卒又謂之赤衣使者又謂之赤弁丈人

本

草 輪謂之紅娘

爾雅

班蝥卽芫青謂之青娘子

別錄

又謂

之葛上亭長

本草

蜘蛛謂之杜公

方言齊人

赤班者謂之絡

絲娘

陶弘景

螻蛄謂之蚨母

唐書

蠶謂之主簿

開寶

蟻

謂之推車客又謂之黑牛兒又謂之鐵甲將軍又謂

之夜遊將軍

別錄

蠶桑謂之八角兒一角者謂之獨角

仙

綱目

螻蛄謂之仙姑

古今註

蝌蚪謂之活師

小海註

又謂

之水仙子

俗名

蝦蟇謂之田父

宋岡註

保叔塔

湧幢小品云杭州有保叔塔因錢王俶入朝作此以保之稱名者尊天子也今誤爲保叔不知者有保叔緣何不保夫之句予嘗疑之錢王俶入朝時尚有復歸之望且國主何得遽以名稱塔卽云尊天子豈有非君前而卽自名其主之理及考西湖志餘此塔名寶所塔乃吳越王之臣吳延爽所建九級後崩咸平中僧永保以目眚募緣十年始復其舊目光如故保有戒行呼師叔遂稱保叔塔也蓋原名寶所而以保

師叔重建寶保字音同而以叔加之耳 紀畧云吳

延爽建保所塔屢復屢燬弘治中僧可勝重建一夕

大雷擊死遊僧二人大蛇一條重五十斤腹中白子

數十枚

綠赤豆神奇

綠豆一物。載于本草。其性甘寒。而解毒。一切瘡腫之類。傳之則有效。非有大神奇也。王蓋臣羣芳譜云。同年友唐公諱之夔。號抱一。西粵人也。言其地無綠豆。每承舍入京。包中止帶斗餘。多則至某江。轉遇風浪。不能渡。到彼中。比于藥物。凡患時疾者。用等秤買之。一家煮豆。氣味四達。兩隣對門。患病人。聞其氣。輒愈。此一綠豆耳。而何神異至此。拾遺記云。東極之東。有傾籬之豆。見日即傾。葉食之。歷歲不飢。豆莖皆大白。

指而綠色。爛熳數畝。此非又一種綠豆而神異者與。
杜陽雜篇云。靈光豆。類中國之綠豆。其色殷紅。而有
光。和石上菖蒲葉煮之。卽大如鶯卵。其中純紫。重可
盈觔。啗一九甘香無比。數日不復言飢渴。此非其類。
綠豆而神異者與。孫公談圃云。張文定嘗苦脚疾。
無藥可療。一日遊相國寺。有賣藥者。得菘豆兩粒。服
之。遂愈。則真菘豆而神奇者矣。晉史。郭璞行至廬
江。時江淮清晏。太守胡孟康安之。無心南渡。璞爲占
當敗。康不信。璞促裝去。而愛主人婢。乃取小豆三斗。

繞散主人宅主人晨見赤衣人數千圍其家就視則滅請璞爲卦璞曰君家不宜畜此婢可于東南二十里許賣之慎毋爭價則此妖可除主人從之璞因令人賤買此婢復爲符投井中數千赤衣人皆反縛自投于井主人大悅璞携婢去後數旬廬江果陷田家五行云十二月二十五日夜煮赤豆粥大小人口皆食之在外之人亦留分以俟其歸謂之口數粥亦驅瘟鬼之意歲時記云共工氏有不才子以冬至日死爲疫鬼畏赤豆故是日作赤豆粥厭之龍魚河圖云

歲暮夕四更中取二七豆子二七麻子家人頭髮少

許合麻豆著井中咒勅井使其家竟年不遭傷寒辟

五方疫鬼 雜五行書曰常以正月旦亦用月半以

麻子二七顆赤小豆七枚置井中辟疫病神驗又正

月七日七月七日男吞赤小豆七顆女吞十四枚竟

年無病疫亦不染夫豆既可驅之爲鬼又可食以祛

鬼則豆真神奇物哉 交州記木豆出徐童間子莢

似烏頭葉似柳一年種數年採 清異錄華山陳搏

有大靈豆服一粒四十九日不飢筋骨如故顏色

反嬰

不畏強禦

西湖塵談錄云宣德中魯穆爲福建僉事獨持風采
不畏強禦楊文敏公家人有犯亦不少貸文敏薦之
爲僉都御史其卒也爲誌其墓 正統初范理爲江

陵知縣楊文定公之子上京師沿途官司供奉甚恭
理獨不爲禮文定薦之知德安府乃知二公以國家
爲念而不計其私有古大臣風見世之得志乘時而
借其喜以市恩鼓其怒以張勢者何如也 畜德錄

云王忠肅公翱自兩廣召爲吏部尚書舟次濟寧都

水主事法以先後叙過關雖貴官不得越人怪之公
曰彼立法安忍壞之至吏部卽調爲考功主事人兩
賢之 予師劉乾所先生鱗長以部官忤鵠奄及中
貴兩謫賜環後主楊州鈔關時謝青墩陞自南冢宰
轉北冢宰氣焰甚赫其紀綱押行李到關關法必序
舟先後之次紀綱欲稍先焉先生卽朴責之既而予
省浙江提學催陞司官各舉其人陞曰浙江主學政
須強幹有力者去手書先生名而定之蓋兩有古人
之風云 又白恭敏公主任浙江布政使過徐州洪

家人與水手相毆主事袁規收其儀仗懇請而解未
幾召爲工部侍郎袁不自安而圭未嘗形于詞色

正德甲戌給事中王昂以選法不公劾吏部尚書楊
一清詔下謫昂一清持之上章自劾而保留昂朝廷
不聽貶昂休寧縣丞到任未期月陞應天府推官時
右都御史王雲鳳上一清書內言雲鳳在山中間留
王昂一疏尤爲人所傳誦不聞唐介初貶之時潞公
有此也執事于是乎加于人一等矣 鄞縣屠大山

知吉安府時王尚書在朝諸子稍橫于里中大山悉

收其蒼頭助虐者置之法諸子後亦折節改行爲雅
士尚書深德大山嘗謂人曰使我諸子得比于人數
不蔑吾宗者屠使君之教也人以是兩賢之大山爲
福建布政使時旣寧家宰李默爲祭酒買田將樂爲
將樂人逋租過半默囑將樂令爲治之而令故不爲
治默怒囑大山切責令令素以強直不阿雅爲大山
所知大山曰令賢奈何以祭酒故哉賢令顧反益
游揚之默亦服大山能守正不阿數薦大山人又重
大山之誼而服默之器量 嘉靖間泉州林一新爲

江西僉事分宜相當事家僮作犯一新直杖繫之及
入賀見相府中相飯一新且謝曰微公孰爲我家正
法者轉雲南叅議 同安王三接以戶部主政權北

新關建安李肅愍家孥過擅開關門三接追而窘其
奚奴肅愍因此益重之 湧幢小品云江陵柄國時

用朱正色爲本縣令朱個儻有俠氣相府家奴犯者
榜繫窮治無所貸江陵深奇之爲延譽行取 澠水

燕談錄云榮州張昭及剛毅不畏強禦故爲櫟陽主
簿陳堯咨庄僕恃勢干縣政輸賦不以時昭及捕而

杖之堯咨聞而嘆曰張子一主簿而如此他日當薦
爲御史使召之 昭及竟不見 先進遺風云劉莊襄
公天和任三邊 總制時差健卒取其孤孫暨一孤侄
來在所撫之比 至華州其僕夫偁啓門役門役庸懇
于州守州守怒 封鎖其門薪米不供二孤令從者踰
垣乞食于知交 微行去州守授牒公所備陳從僕虐
門役狀二孤既 抵任所環公及夫人前泣訴途中爲
守所苦云云 人心憐甚嗣後州守以事謁制府家
衆跂足制窺 公必督過于守乃公故禮遇之有加

復特薦其賢能于朝又劉端簡公采任右司馬時進士尚德恒爲麻邑令以廉直不避貴勢公姻里多不悅公在京日譖于公所余一日請公意爲解之以尚爲余同年故嫌于措口悛悛不能盡詞公曰然吾故知尚令必潔廉人也不待公言何以明其然凡人有意則不剛卽尚令君之懲治吾家諸僕更不少貸其操可知矣予嘆賞公明決而能自克如此耳談桐鄉龍翔寺古柏千霄時胡梅林爲督府方以軍興法繩所諫其客某公談星者因請伐作棺具用移文下

縣尹金公燕獨抗不聽久之樓船過河下尹上謂胡
公大怒庭折之尹不爲動忽見請者撲首窺于簾內
尹大罵無耻貪夫敢擅乞官物吾秦汝胡公竟不能
有加 張相國請還江陵尹徵人魯公來謂歸上席
既出藩臬大僚皆會無敢上席者聞尹如此以爲言
尹曰老大人呼知縣知縣跪拜分也相國呼父母而
父母側席乎後兩公皆首薦得高擢

龍鳳亦有凡近者

龍爲鱗蟲之長鳳爲羽蟲之長皆天上靈物希世禎祥然亦有凡而可作耳目狎玩者或亦其另一種與鐵圍山叢談云博白有遠村號錄舍皆高山大水人跡罕及斗米一二錢蓋山險不可出有小江號龍潛魚大者動六七尺痴不識人村民自誇我山多鳳凰吾且謂妄從而詰之則曰其大如鸞五色有冠率居大木之顛穴木而巢焉遇天氣清明必出出必雙飛所過則諸鳥斂翼俛首而伏不敢鳴者久之吾嘆曰

此真鳳凰也古人謂南方丹山產鳳爲信 爾雅翼
云南恩州北甘山壁立千仞有瀑水飛下猿狖不能
至鳳凰巢其上彼人呼爲鳳凰山所食亦蟲魚遇大
風雨或飄簞其雛小者猶如鶴而足差短南人截取
其嘴謂之鳳凰杯 桂林有烏鳳如鶻而紺碧髮頭
有鳳尾垂二弱骨各長一尺四五寸其未始有毛羽
大畧如鳳鳴聲清越又能爲百蟲之音生左右江谿
洞中廣西又有山鳳狀如鷺而鳳喙巢兩江深林中
雌伏卵時雄以木枝雜桃膠封其巢留一竅取食子

成卽發封不成則窒其竅而殺之又有大頭鳳飛則羽青響若轉輪所止之處百鳥不敢鳴 野客叢書云漢宣帝記元康三年詔曰前年夏神爵集雍今春五色鳥以萬數飛過屬縣神爵四年鸞鳳萬舉蜚覽翱翔師古曰萬舉猶言舉以萬數夫鳳所以爲異者爲其罕見且覯得故耳今其數出至于萬與燕雀何異安足貴耶 黃衷海語云山鳳出暹羅喙首如鶴

項足率七八尺翅闊過之能吞衆鳥敵人而啄其腦若刀斧然子大如柳隄 菴東坡云羅浮有五色雀

以終羽爲長餘皆從之東西俗云有貴人入山則出
余安道有詩云多謝珍禽不隨俗請官猶作貴人看
余過南華亦見之海而人則謂之鳳凰云久旱而見
則雨潦則反是及請偕耳亦常集于城南所居今日
遊進士黎威家又集庭下鏘然和鳴回翔久之余舉
酒屬之汝若爲余來者當再集也已而果然

西亭耳云巖林在太平之模村

今廣西
崇善縣

入巖二十步

幽暗如晦夕有野龍潛伏其中村婦每欲見之則盛
飾唱上歌入巖龍乃出綳柔若素習者入村婦懷中

盤伏良久乃去問脫下遺鱗婦珍藏而歸以爲獲神之貺若侮棄之雷雨驟至 伊川語錄云龍只是獸茅山華陽洞皆有之形狀殊可愛然不嚙人五臺山者則傷人矣 戎幕閒談云茅山龍池中其龍如蜥蜴而五色自若嚴奉貞觀中勅取龍子以觀御製歌送歸黃冠之徒競詫其神李德裕恐其惑世嘗捕而脯之亦竟不能神也 沈大初云龍池不甚廣小黑龍十數遊其中長僅三寸目睛爛然腹有丹書而無化牡蓋蜴蜥類也宋祥符間嘗遣使黜祭絨二龍子

器獻之闕下中道風雨僅存其一御製詩送之還山
宋史程願調鄂上元主簿常補其龍而脯之洪武中
亦命取入官五失其四 唐德宗貞元末資州得龍
長丈餘西川節度使韋臯廬而獻之百姓縱觀三日
爲烟所薰而死 湧幢小品云葱嶺冬夏有雪又有
毒龍若夫其意則吐毒風雨雪飛沙礫石遇此難者
萬無一介 北庭西北沙州有黑龍水深可駕舟其
水往往汎濫蕩室廬壞禾稼開元中南陽張嵩爲都
護召吏訊之云黑河中有巨龍嗜羔特犬彘故漂浪

騰水望祀河澣乃命致牢醴布筵席密以弓矢俟其
側及至河上有龍長百尺自波中躍出俄然升岸漸
近漸縮至于几筵纔長數尺嵩發一矢衆矢并集龍
遂死焉上壯其果斷詔斷龍舌函以賜嵩子孫且承
襲沙州刺史 梅傳字元鼎邢臺人萬曆辛卯孝廉
知登州因大旱率衆詛龍潭以激神怒大雨如注詛
龍之法令力士繞潭呼噪詈罵潭漸有波浪以致雲
興雨霑而獨無雷梅凝坐不動曰龍亦獸耳我今奉
天子命治百姓不雨均罪終亦無他 湖海搜奇

朱希召爲貴州經歷其地旱求雨必召師人覓龍或
人或獸得則師巫能識之正德末大旱求龍不獲忽
一孕婦踰踊而入城門巫執以見太守云龍在此
太守怒其妄言婦亦自辨我坊村小民某甲之妻寧
得爲龍太守欲縱之巫力言其是遂積薪于庭以籠
蒸其婦未及舉火而雨大作龍自躍開婦已失矣

楊主事詢云四川有數處龍匿柱下掘得之而雨
則立降 蘇東坡云羅浮有五色雀以絳羽爲長條
皆從之東西俗云有貴人入山則止余安道有苗云

多謝珍禽不隨俗謫官猶作貴人看余過南華亦見
之海南人則謂之鳳凰云久旱而見則雨潦則反是
及謫儋耳亦常集于城南所居今日遊進士黎威家
又集庭下儼然和鳴迴翔久之余舉酒祝之汝若爲
余來者當再集也已而果然 陸璣詩疏云今并州
界有麟大小如鹿非瑞獸也故司馬相如賦曰射麋
脚麟謂此等麟也

水火治病

宋周輝清波雜誌云輝頃在泰州見有倭國一舟飄泊在境上一行凡三二十人至郡館穀之或詢其風俗所答不可解旁有譯者乃明州人言其國人遇疾無醫藥第裸病人就水濱杓水通身淋洗面四方呼其神誠禱卽愈近日邊外熟糞每病則牽人水邊以桶水潑之卽此意職方外紀云哥阿島曩國人盡患疫內有名醫名依卜加得不以藥石令城內外遍舉大火燒一晝夜火息而病亦愈矣蓋疫爲邪氣所侵

火氣猛烈能盪滌諸邪邪盡而疾愈亦至理也昔先君子有言醫亦有奇術但須曉得陰陽二字病有陰陽脉有陰陽藥有陰陽知三者之陰陽思過半矣如前此二術一則治之以水一則治之以火水火亦陰陽之妙理也近有陳姓醫人不問何病專用石膏時人呼爲陳石膏此近於用水者也宋之石藏用專用附子治病時人語曰藏用担頭三斗火此近於用火者也然未免有偏焉六帖云石藏用劉寅俱善醫石喜用熱藥劉喜用冷藥京師曰藏用匣中三斛火

劉寅匣內一壺冰 建康實錄注云元帝渡江時有
王離妻季氏者洛陽人將洛陽舊火南渡自言受道
于祖母王氏傳此火并遺書二十七卷臨終使行此
火有靈驗四方病者將此火煮藥及灸病皆愈轉相
妖惑官司不能禁止及季氏卒火亦經時而滅人號
所居爲聖火巷又南齊志云先是魏地謠言赤火南
流喪南國齊永明中有沙門自北齋火而至色赤于
常火而微云以療疾貴賤爭取之多驗咸云聖火詔
禁之不止京師有人病瘦者以火灸數日瘥降人笑

曰病偶自瘳豈火能爲此人便覺願間瘁病以凡火
灸之如前復以聖火灸之愈後梁以火德興 一統

志河南河南府永寧縣聖水井其水湛碧飲之可愈
疾漢中府洋縣治西有聖泉病者飲之輒愈又醴泉
在扶風縣唐貞觀中復出其味如醴飲之可以愈疾
慶陽府合水縣有聖公泉能愈百病又溫涼泉在靈
臺縣東南保巖山之陰其水半溫半冷有疾者洗之
卽愈聖水聖火徒美其名稱耳華佗以冷水灌八十
斛氣乃蒸出鷲鷲乃穴溫床臥而冷汗出粉撲之而

徐剛伯以水澆房伯玉百斛背上彭彭有氣吳中
名醫葛可久有人患傷寒疾不得藥比可久往視則
發狂循河而走可久就捧至水中使禁不得出良久
出之裹以重繭得汗而解 桓談新論言漢元帝被
病廣求方士漢中送道士仲都詔問所能對曰能忍
寒暑乃以昆明池上環水而馳御者衣裘寒戰而仲
都獨無變色臥于池臺矐然自若夏大暑日使膝坐
環以十爐火亦不言熱此卽莊子所云大浸稽天而
不溺大旱金石流土山焦而不熱者水火不得而侵

之矣。唐史李德裕爲浙西觀察使。亳州浮屠詭言水可愈疾。號曰聖水。轉相流聞。南方人率十戶僦一人往汲。若飲病者戒勿食葷血。以是危老人率多死。而水斗三十千。奸止他汲以枯欺誅。往者日數百人。德裕尸津邏捕絕之。因上言昔吳有聖水。齊有聖火。皆本妖祥。古人所禁。請下觀察使令狐楚填塞。以絕妄源。詔從之。妖乃絕。高昌卽交河。逢節日以銀或鑰石爲筒貯水。激以相射。或以水空潑爲戲。謂之壓陽氣去病。

動植之物報時

千歲日至可坐而定况一日之時刻其漏點分寸纖毫合度固有極人工之巧而天且勿能違者然而天地自然之節度有不假于人爲者人亦不過因之耳

開元天寶遺事云裴耀卿勤于王事夜看案牘晝決獄訟常養一雀每夜至初更時有聲至五更急鳴耀卿目爲知更雀又于廳前大桐樹一枝至曉則有羣鳥翔集以此爲出聽之候故呼爲報曉鳥時人美焉又商山隱士高太素累徵不起在山中構道院

三十餘間太素起居清心亭下皆茂林修竹奇花異卉每至一時卽有猿一枚詣庭前鞠躬而啼不易其候太素因目之爲報時猿考名勝志云值子午二時猿卽鳴啼洞冥記云有司夜鷄隨鼓節而鳴不息從夜至曉一更爲一聲五更爲五聲亦曰五時鷄在影娥池北雲南南甸宣撫司產叫鷄晝夜應時鳴張佳胤云予遊滇中太華山入聚星堂後爲叢林香閣閣前老椿圍二丈蒼榦入雲蓋千餘年物是夕宿香閣上松濤四起宿鳥驚棲忽喧忽寂至一鼓滿

林大響如百萬楚師夜鳴刁斗聲撼巖壑乃披衣坐
榻上呼僧問之僧曰每鼓林鳥叫號互移棲所夜比
五起山僧視爲更候是夕余不能寐驗之果爾枕上
口占四詩內云山中無玉漏自有碧鷄啼蓋謂是也

鳳尾十二翎遇閏生十三翎 空同子云雀乳雞

四月四子五月五子六月六子 猶咬鼠初一至十

五咬上身十六至月終咬下身虎咬物亦然 虎每

月望前耳能聽而目不能視望後目能視而耳不能

聽 驢馬駒月初生者行在母前月半生者行與母

並月末生行居母後 象膽隨四時春在前膊左夏
在腹秋在左足冬在右足 鷄子日中則正日晏則

偏 白毛烏骨鷄每日以子午卯酉四時其毛翻豎

戟立 猶目睛日暮圓其午豎欹如線鼻端嘗冷惟

夏至一日煖 食物本草兔尾歲生一竅 蛤蚧之

鳴大月三聲小月二聲 蝌蚪膽上旬近頭中旬近

心下旬近尾 蝌蚪月大盡先生前足月小盡先生

後足 人身諸蟲上半月頭向下半年月頭向上

金陵瑣事云索姓回回避雨人家見佛几淨水碗中

一石遂問賣否主人漫答之曰有價卽賣回回次日
携銀往來兩三度輒增其價主人謂石久塵埋回回
尚與高價因磨洗一新數日回回又至見石磨過大
驚長嘆曰如何毀却至寶此石列十二孔按十二時
辰每到一時有紅色蜘蛛網其上後網成前網卽消
天然晷也今已磨損蜘蛛乃一片死石矣不顧而去
北戶錄云南中有十二時蟲亦蛤蚧之類大者三
尺尾長于身傳云自旦至暮變十二般色傷人必死
愚嘗獲一枚閑于籠中玩之止見變黃褐赤黑四色

此卽所謂避役蟲與然彼云見者多得稱意之事此

云毒人必死又何相懸乃爾也 採蘭志又云南中

有避役蟲狀如蜥蜴一日十二辰其首倏忽變易爲

十二辰狀脚長色青見者多得稱意之事 鼉聲如

鼓夜鳴應更如初更輒一鳴而止二卽再鳴也謂之

鼉鼓亦曰鼉更人聽之以占雨 採蘭雜志云薛若

杜好讀書往往徹夜一日遇比丘告之曰夜半不臥

則血不歸心君雖好學恐非延益之道薛曰潛心傳

記則心昧于時何夜半之可得知乎僧因就水中提

一魚赤色與薛曰此謂知更之魚夜中每至一更則
爲之一躍薛畜盆中置書几至三更魚果三躍薛始
就寢更名曰待漏魚 香魚出雁山春初生月長一
寸至冬月盈尺則于潮際生子生已輒稿一名記月
魚雁山五珍此其一 鰻用一月一葉十二月十二
葉月滿又退之 鰻魚鬚刺凡十二以應十二月每
月一骨有毒 鰻魚膽春夏近上秋冬近下

錄異記云六時水在蜀青城山宗元觀南二里對觀
有峭崖高五百餘尺崖上受道壇背窳真君與軒轅

黃帝傳道之所每日六時有自然水從崖上洒入澗
底勝覽云六時洒水以代晷漏陰時卽飄然而洒陽
時卽無呂汲公詩巖輝萬古照泉漏六時飛京鏗詩
八千里隔東西境十二時分晝夜泉 名山記云太
原府平陽縣有轟轟澗其澗東南有廟下有潭深不
可測廟後有石洞澗中有穴望前壚而出聳望後汲
而入聲其聲如雷故名 齊都人蜀紀見云大邑鶴
鳴山山如覆甃有石如鶴上有二十四洞應二十四
氣洞口約潤三尺深不可測至一氣則一洞之竅開

餘皆不見又有七十二穴應七十二候 驪山泉出
二穴朔後出左穴望後出右穴 葵陵山有風穴夏
則風出冬則風入春秋無風 昆吾陸地臨月滿則
積雪味廿月虧則如薄霜味苦

燕昭王時有長春樹花赤色碧春盡則落夏色赤夏
盡則凋秋色白秋殘則萎冬色紫遇雪則謝 各勝
志云洱河上瀾河山之麓有樹高七八丈葉如桂花
白色每朵十二瓣以應月數遇閏輒多一瓣相傳仙
人所種更無別種土人因其地名之曰和山花

唐詩記事云段成式字柯古文昌之子博學強記多
奇篇秘藉嘗于私地鑿漁得片鐵命周尺量之笑而
不言置之密室時窺之則有金書二字報十二時也
陽谷漫錄云張堂言同邑安福西鄉地名下庄周
俊叔家嘗得十二時竹一根植之家庭歷十餘年筍
而竹者繞三竹遶節而生子丑寅卯辰巳午未申酉
戌亥十二字點畫可數 芋每月一子每年芋十二
子 藕每月一節閏月益一節 棕相應月生片遇
閏則生半片歲長十二節遇閏則長半節 茨菰種

水中一莖收十二寔歲當有閏則十三寔 朱草日
生一葉朔日至十五日共生十五葉十六日後一日
落一葉 梧桐按月生葉一對不增遇閏增一葉
說畧云唐文宗朝有十二玉棋子以按十二時字置
水中逐時浮出不爽 徐鳳縮節杖如筆管二十年
每年生一節後每年減一節 清異錄云唐內庫有
一盤色正黃圓三尺四周有物象元和中偶用之覺
逐時物象變更如辰時花草間皆戲龍轉巳爲蛇轉
午則成馬矣因號十二時盤流傳至朱梁尚在 書

蕉云范文正公家古鏡中具十二時如博棋子每至此時則博棋中明如月循環不休又有市人蔣家十二時鐘能應時自鳴季雁山公宋宗眉皆各見一爐幕上有十二孔應時出香不可曉 佛林國懸大金秤以金丸十二枚屬於衡端候十二時每至一時金丸輒落毫釐無失 續纂堅志云周益公在京師見一茶店具紙畫岳州圖譙樓十二時牌能時時自換此神仙之筆也 瑯環記云南蕃白胡山出貓睛石極多且佳他處不及也古傳此山有胡人遍身俱白

素無生業惟畜一猫猫死埋于山中久之猫忽見夢
曰我已活矣不信者可掘觀之及掘猫身已化惟得
二睛堅滑如珠中間一道白橫搭轉側分明驗十二
時無誤與生不異胡人怪之夜又見夢曰埋此于山
之陰可以變化無窮中一顆赤色有光者吞之得仙
胡掘得遂曾山人置酒食爲別及吞卽有一猫如獅
子負之騰空而去至今此山遂多猫睛而猫睛卽一
名獅負仙女上明皇獅負二枚卽此明皇藏于牡丹
鈿合中以驗時 泰西國人所製自鳴鐘以銅爲之

中藏鐵輪盤若干時時轉動一小僧人在下至其時
則捧牌漸漸而出其一老僧人執椎在懸鐘之側凡
小和尚立起老和尚卽擊鐘子時卽一聲丑時卽兩
聲至亥時則擊十二聲而止此其巧思非人可量矣

諸葛武侯遺蹟

諸葛武侯之事季漢忠之盡義之至宋賢亦許爲王
佐之才而釋官小說敷衍或反失其真如借風錦囊
之類往往入于神怪非所以尊武侯也其遺蹟流於
後世余因歷考諸書之可驗者彙而存之焉語林云
王武子曾爲夔州之西市俯臨江岸沙石下看諸葛
亮八陣圖箕張翼舒鷲形鶴勢聚列分布宛然尚存
峽水大時三蜀雪消之際瀾滂混漾大樹十圍枯槎
百丈破碓巨石隨波塞川而下水與岸齊雷奔山裂

及乎水平萬物皆失故態惟陣圖小石之堆標聚行
列依然如是者垂六七百年間洶濤推激迨今不動
劉禹錫曰是諸葛公誠明一心爲昭烈効死况此法
出六韜是太公上智之材所構自有此法惟孔明行
之所以神明保持一定而不可改也東晉桓溫過此
布常山蛇陣勒銘曰望古識其真臨源愛往蹟恐君
遺事節聊下南山石郝郊入蜀記見云夔人重武侯
以歲首人日傾城出遊八陣上謂之踏碛婦人拾沙
中小石之可穿者貫以綉縷携之歸以爲一歲之祥

慎蒙云八陣圖在新都縣北三十里牟彌鎮八陣圖凡三在夔州者六十四方陣法也在牟彌者一百二十有八當頭陣法也其在碁盤市者二百五十有六下營法也楊升庵云嘗放舟過夔門時春初水勢正殺自山上俯視陣圖下百餘丈皆聚細石爲之凡八行六十四絕土人言夏水盛時沒在溪澗水落後然如故在新都者其地象城門四起中列土壘約高三尺耕者或割平之經旬餘復突出

右武侯八陣圖

紀畧

云正德中平谷縣耕民得一釜以涼水沃之卽自沸

炊飯卽熟釜下有諸葛行鍋四字鄉民以中有寶物

碎之其釜複層中有水火二字

右諸葛釜

語林云陸法

和亦曾征蜀及上白帝城插標曰此下必掘得諸葛

鐵旣掘得箭鏃一斛

右諸葛鏃

本草云諸葛武侯所止

令兵士獨種蔓菁者何也日取其甲可生啖一也葉

舒卽可煮食二也久居則隨以滋長三也棄去不致

可惜四也回則易尋而採之五也冬有根可斷食六

也今二蜀之人呼蔓菁爲諸葛菜

右諸葛菜

劉焯筆談

云會稽季彭山守長沙日有兄弟開田掘土獲一扛

竈置鍋水卽沸可炊爨不用柴炭二人爭送府視其

內有一小道士篆丙丁二字于背又有諸葛行軍竈

幾字貯府庫尚存

右諸葛竈

七修類稿云廣西全州山

上有武侯兵書木匣歲或一換新板于外手舊曾聞

之未信今大中丞顧東橋云親見

右武侯兵書匣

金陵瑣

事云四川趙雪岩先生曾任太守往瀘州江行阻風

數日乏薪令人上山樵採山頂險峻人跡所不到有

鐵船一隻露其半中皆大錢有無字者有文曰諸葛

之寶者因取數籊回忽大響一聲山遂合船不見矣

行一兩日岸邊人衆洶洶泊舟訊之乃鑄孔明像者

方募銅雪岩驚異盡以錢施之像乃告成

右諸葛錢

瑣

事又云金陵裕民坊淘井得一瓦枕上有一符符下

有驅瘧二篆字相傳爲諸葛武侯所製病瘧者枕之

卽愈彼此轉相借用久之遂失 紀畧云武侯初平

南燹夜聞軍中多謳歌思歸遂召衆各與一磚曰若

輩久若行役欲還歸耶枕此而臥詰朝抵家矣從者

果然今雲南有一城居民皆四川人云卽其家也又

天順中太倉州武孟有詩名嘗爲武岡州幕官囚監

渠得一瓦枕枕之聞其中鳴鼓起橋一更至五更鼓聲次第不差既聞鷄鳴亦三唱而曉抵暮復然孟以爲鬼怪令碎之其中設機局以應夜氣識者以爲孔

明鷄鳴枕也

右諸葛枕

續耳談云雲貴土官堂後中門

甚低出入必俯首云武侯遺制欲其敬朝廷也若有稍高其戶者輒禍起蕭牆焉又苗民家家供祀武侯取穀逐顆剝米以炊日不暇給云亦始武侯俾終歲勤勞弗敢居閒思叛也若舂米則頭作痛云

右武侯遺法

湧幢小品諸葛銅鼓皆奇文異狀雕螭刻虬間綴

綴其數皆四蠻中諸葛銅鼓有剝蝕而響亮者爲
上上易牛千頭大者七八百頭藏一二三面者卽得借
號爲寨主矣凡破蠻必稱獲諸葛銅鼓有多至數十
面者此必諸葛倡之後人倣式而造其精巧反有過
之者

右諸葛
銅鼓

雲南府宜良縣有諸葛洞武侯常列

營處嵩明州西南有漢人所築金城城南有諸葛亮
與蠻人歃盟臺澁江府河陽縣金山有諸葛營乃建
輿中丞相亮選拔首長治兵之所曲靖軍民府南寧
縣城東有八塔雙井皆諸葛武侯建鑿以厭勝也定

遠縣諸葛山一名獨立山世傳孔明過此令掘山
岡左右以厭勝土人于石上建八塔以識侯之蹟意
總一事而分紀于南寧定遠 大理府有武侯祭天
畫卦之所名祭天臺又名畫卦臺趙州昆彌山兩崖
間有古刻文印篆世傳爲諸葛孔明之印通志武侯
旣服孟獲回師至白崖立鐵柱紀功 天威逕自龍
關以外皆得名之取孟獲公天威也之語而名之資
州亮寨長官司在黎平府北司治西有諸葛武侯古
寨因以名之趙州有迷渡市設巡檢司昔武侯築城

其處今呼諸葛城和曲州有諸葛故城丞相初過大
雄河卽駐節于此今遺址存姚安府大姚縣有武侯
土城在縣左却江馬鞍麓上有鐵椿相傳侯開路時
物又賓川州有諸葛城在虎踞山鄒應龍詩何人築
此受降城營壘猶傳諸葛名 諸葛村在永昌城南
七里舊記云孔明旣擒孟獲移師永昌卽金齒司也
司城南西山之下侯嘗屯兵其間迄師還民相謂曰
吾儕皆諸葛公遺民也乃構祠祀之雨暘疾疫皆靡
其禱瀆故記云永昌城外七里有舊漢村其人言語

衣服皆類蜀蓋征南時留居者又其村前小海子內
土阜一區周遭三十三丈墮水高下雖巨潦不能沒
傳爲孔明豎標臺鶴慶軍民府有諸葛泉在治南百
四十里武侯駐師之地劍川州有諸葛池相傳丞相
每飲馬其中滇畧云隴川麓川也有諸葛孔明寄箭
山 諸葛草廬在南陽城西南七里臥龍岡上卽孔
明所居舊爲祠以奉蒸嘗有道士居住夜聞兵聲懼
而移之遂寢 諸葛井在草廬前青石爲床有汲綆
渠百十道數竟不能盡 武侯遺令墓定軍山因卽

地勢不起墳壟深松茂柏攢蔚川阜莫知墓塋所在
山之東名高平是亮宿營處亮薨百姓野祭步兵校
尉習隆中書郎向允共表請近其墓立祠沔陽鍾士
季征蜀枉駕設祀營東卽入陣圖遺基畧存崩禡難
識陰雨聞鼓角聲

右諸葛遺址

蜀記孔明征蠻中十里

刻一石人今黎嶠之路尚有存者健爲縣存其一

右諸葛石人

寰宇記云諸葛亮相蜀築臺以集諸儒兼

待四方賢士號曰讀書臺今爲乘烟觀杜光庭錄異
記云成都讀書臺坊武侯宅內乘烟觀內有古井井

有魚長六七寸往往遊于井上水必騰湧相傳其井

有龍

右諸葛讀書臺

滇考云隋遣太平公左領軍史萬歲

爲行軍總管帥衆南征爨氐從越雋進兵經馬湖番

山自蜻蛉川過弄棟次小教弄大教弄至于南中賊

前後據要害萬歲皆破之行十餘里見諸葛武侯紀

功碑銘其背曰萬歲之後勝我者過此遂命左右仆

其碑碑下復有字云隋開皇十九年史萬歲過此爲

我立碑萬歲惶恐再拜重扶其碑立之 廣德初鳳

迦異築拓東城孔明石刻放在文曰碑卽仆蠻爲漢奴

南方民畏誓常以石指楮之

古蹟記云宋建隆二

年曹彬爲都諫伐蜀謁孔明祠視宇第雄觀頗有不
平謂左右曰孔明雖忠于漢然疲竭蜀之軍民不能
復中原萬一何得爲武當因其頽敗拆去祇留其中
以祠香火左右皆諫不可俄報中殿摧塌有石碑出
土尺許彬遙視之其刻字宛若新書題云測吾心腹
事惟有宋曹彬讀訖下拜曰公神人也小子安能窺
測哉遂令蜀守新其祠宇爲文祀之而去

右諸葛碑

名

賢錄云崔與之帥成都授洪咨夔籍田令通判成都

府吞夔命蜀人毀鄧艾祠更祀諸葛亮告之日乃事
仇讐而忘父母永昌府志勝云永平縣打牛坪相
傳武侯南征駐師茲坪辰值立春鞭土牛以訓羹噉

遂以名驛云

右諸葛
故寔

宋書殷孝祖傳御仗有諸葛

亮箭袖鎧帽二十五石弩射之不能入上悉以賜孝

祖

右諸葛
鎧帽

諸葛武侯征孟獲奏凱回日至瀘水風

濤不能渡人曰蠻地多邪術須禱于神常例必殺四
十九人以祭之則怨鬼自散方可渡也武侯曰吾班
師回都安可妄殺一人吾自有主見乃雜用羊豕肉

和麵爲劑塑成假人頭名曰饅頭

右諸葛饅頭

通志藝

文畧載武侯著書數十種漢書音一卷六壬類死一

卷平朝陰府二十四機一卷六軍鏡心訣一卷諸葛

武侯誠一卷又有諸葛亮隱沒五事一卷

貞潔記一卷臥龍十

六策一卷大堂明鑑一卷郭冲撰又總載丞相諸葛亮集二十五卷右武侯書

桂海虞衡

志云南方曰蠻亦曰西南番其蠻酋自謂大保大抵

與山獠相似但有首領耳其人椎髻以白紙繫之云

尚爲武侯制服

右諸葛遺愛

一統志云夔州府有石鼓

在八陣圖對面世傳武侯教陣法處

右諸葛石鼓

舊頌

曰孔明廟中有大栢木相傳是蜀世所植故人多採以作藥其味甘香異于常栢卽杜工部所咏孔明廟前有古栢一柯如青銅根如石者也 式如手抄云此

栢圍數丈段文昌有詩石刻在焉唐末漸枯然無敢

伐者宋乾德五年枯樹再生人咸異之

右諸葛廟栢

夢

溪筆談云昔年在姑熟王敦城下土中得一銅鉦刻其底曰諸葛士全峇鳴鉦峇卽古落字此部落之落士全部將名中間鑄一物有角羊頭其身亦如篆文像今術士所畫符有兩字乃大篆飛廉字篆文亦古

怪則鉦鬪所圖蓋飛廉也飛廉神獸之名

右諸葛銅鉦

緬甸國有孟獲城內有武侯祠又有雪山武侯征孟獲到此名曰刺村石碑至今猶在 李邁庵記云過

金沙江則非中原有矣北渡金沙向木邦國武侯設碑路傍有異日皇帝過此句 永曆至此應其識後

征緬師旋雷已碎碑 研北雜誌云漢中之民當春

月行哭首戴白楮幣上諸葛公墓其哭甚哀 鼎錄

云諸葛孔明殺王雙還定軍山作一鼎埋于漢川其文曰定軍鼎又作八陣鼎沉之永安水中皆大篆書

又于玄武郡金山作二鼎。一大一小。並無文。時孔明行軍見山。其力似有王氣。故鎮之。

右諸葛鼎

馬君輝征行

記畧云。順公十六年二月二十四日。大兵收服騰越。州二十五。過南甸。追至孟州。離騰越百有十里。爲雲南。迤西盡界。外卽三宣六慰。緬甸。三十日。班師。距蒲緹數舍。有深谷。相傳武侯燒藤甲軍處。次永昌。過玳瑤山。踐路有聲。過娘娘叫狗山。以武侯迷路。聞老嫗叫狗得達。故名。蜀古蹟云。孔明南征。日夢周公助。以陰兵。乃獨立廟在雅州。治東。夢林玄解云。諸葛武

侯出師至蔡山。夢見周公。故名其山爲周公山。立文
憲廟于其上。偃曝談餘云。諸葛武侯手長八尺。形
細面粗。猶如松栢皮。膚枯槁。文理潤澤。武侯定黔
中。從青石祠過。遂抽刀刺山。投刀不拔而去。行人莫
測。華陽國志。亮以南蠻之俗難化。乃畫蠻圖以賜蠻。
蠻甚重之。武侯子瞻字思遠。善書畫。見蜀志。父子俱
載。張彥遠名畫記中。張岷峨云。成都諸葛祠前有
古井。常聞其內有鷄鳴聲。適轄軒使者晏集其地。令
卒廢繩下窺之。井上圓銳而下方敞。盡數繩。見洞壁。

有鐫字皆諸葛公手書卽索楮墨摹勒以上復見日
光射處諸葛公危坐彈琴侍者及鷄犬皆白重下摹
勒壁字則水湧平井不得入矣 陝西通志興勢山
在洋縣北二十里山形如盆外甚險盤道以上孔明
嘗戍兵于此後魏置興縣以此山名又定軍山是黃
忠斬夏侯淵之所有諸葛巖 又諸葛壘在秦州東
俗謂下募城旁有司馬懿壘俗謂下募城魏大和中
亮攻天水詔懿拒之此其壘也 梓潼縣北有葛山
孔明常屯兵此山故名 雲南永昌軍民府諸葛營

其東東嶽堰內一土墩週三十餘丈高六尺隨水高下雖盛潦不沒俗謂武侯旗臺 碧里雜存云明

高帝削平君英雄兵器精利所謂襄陽砲者止攻姑蘇一川餘不復事又有連子弩最爲利器天下既定卽收藏不以示民其弩面有匣隨弦上下中藏十矢匣上有鐵挽子挽匣使卻則弦隨之內墮一矢于弩面乃機則發而矢往復挽如前相繼連發盡十矢在刹那間全不用力又不費工夫比之凡弩有十倍之易此諸葛武侯之遺 按三國志孔明損益連弩謂

之元戎以鐵爲矢矢長八寸一弩十矢俱發

通海縣東南有諸葛山孔明南征駐兵于此 永昌

軍民府有大諸葛堰小諸葛堰 落星村在五丈原

卽諸葛營處 沔縣北蓮池畔有武侯讀書臺每遇

花時縣人遊賞 襄陽府城西諸葛亮宅有井名葛

井 黎州安撫使武侯廟宋紹興中郡守邵溥因舊

鼎新榜曰天威廟又武侯城在舊黎州城外三里武

侯所築壕塹壁壘存焉又有武侯戰場在安靖新寨

平茶洞長官司有諸葛洞在州治南石崖屹立旁

有石洞數丈孔明征九溪蠻嘗過此留宿洞中 諸

葛嶺在東安縣南三里劉備收荊州遣孔明督零陵

長沙桂陽三郡調賦屯駐于此 諸葛亮廟在襄陽

府臥龍山唐封武靈王宋賜英惠廟加號仁濟 四

川納谿縣有掇旗山云孔明樹旗于此以誓蠻人故

名 武侯廟在嘉定州寶山瀘峯每歲蠻人貢馬必

相率拜于廟宋劉光祖詩蜀人所至祀遺像蠻徼猶

知問舊碑 靖州城西有諸葛營孔明撫諸蠻駐軍

于此 武侯塔在長寧縣孔明建以誓戎蠻故名

成都府城西南五里有諸葛井相傳孔明欲通井終
王氣故爲此井 七縱橋在雅州孟山下孔明擒孟
獲而得名 山堂肆考云衡州耒陽縣有石碑乃是
諸葛孔明斬雍闓擒孟獲回軍經此立石紀功又相
傳武侯立石善蠻口後有功在吾上者宜立石于右
至宋狄青破儂智高回立碑于右後爲雷所擊惟存
斷碑 益州記諸葛峽有相思崖芳泉周淮俗謂之
神窟 華陽國志孔明相蜀鑿石架空爲飛梁闢道
卽古劍閣道也 萬花谷云成都子城西金容坊有

石二株挺然聳峭高丈餘者舊傳云其名有六曰石
笋曰蜀妃門曰沉犀石曰魚鳧仙窟曰西海之眼曰
五丁石門皆非也圖經云乃前秦時之遺址諸葛武
侯櫺之方驗有篆字曰蕞叢氏有國誓蜀之涓以二
石柱橫理連接貫鐵其中一南一北無所偏邪又五
字濁歛濁觸濁時人莫曉後蜀伯范賢議曰亥子歲
濁字可記主水災寅卯歲歛字可記主飢饉巳午歲
濁字記主火災辰戌觸字記主兵災申酉歲濁字記
主稼穡富貴悉以年事推應驗符響 講事堂在新

野學內世傳昭烈與徐庶議訪孔明于此 天中記
隆中孔明故宅有舊井一今涸無水盛弘之記云井
深五丈廣五尺堂前有三間屋地基址極高云是孔
明避暑臺宅西有山臨水孔明常登之鼓琴以爲梁
父吟因名此爲樂山先有董家居此宅衰殄滅亡後
人不敢復憚焉齊建武中有人修井得一石高一尺
一寸長九寸獻晉安王習鑿齒

周禮有不可通行于今者

周禮仲冬之月農有不收藏積聚者馬牛畜獸有放佚者取之不詰註不肯斂藏者聽人取以做之按松漠記聞言金國治盜甚嚴每捕獲論罪外皆七倍責償惟正月十六日縱偷一日以爲戲妻女寶貨車馬爲人所竊皆不加刑是日人皆嚴備遇偷至則笑遣之旣無所獲雖畚鍤微物亦携去婦人至顯入人家伺主者出接客則縱其婢妾盜飲器他日知其主名或偷者自言則具茶食以贖

謂羊酒肴
僕之類

次則携壺小

亦打糕取之亦有先與室女私約至期而竊去女願
留則聽之是則沖冬之與孟春金俗亦可謂有周禮
之遺意矣不大可哂乎 黃東發云周禮秋官之屬
朝士掌建邦外朝之法其曰凡報仇讐者書于士殺
之無罪既書于士矣士何不正其罪殺之而縱其人
自相仇殺耶金鼐子云周禮凡民之貸者與其有司
辨而授之以國服爲之息肝江何氏註謂民有貸物
于官者與有司辨其物定其價以授之還本後服役
于國中各有日數以爲息所謂以國服爲息也按王

充云貧人負官重責貧無以償則身為官作責畢竟
是漢法猶有周官泉府遺意耳 朝野紀畧正德中

館閣諸臣論及引鄭玄註周禮云羣妃御見之法月
與后妃其象也卑者宜先尊者宜後女御八十一人
當九夕世婦二十七人當三夕九嬪九人當一夕三
夫人當一夕后當一夕十五日而遍自望後反之修
撰楊慎曰此言何其迂且謏乎苟如此則皇后一月
之間不過兩御于王當其朔與晦耳 修養家言有晦
與朔御女之禁
不知小盡之月肯通融否乎是又奪三夫人之一夕

矣王后當夕之外三夫人一夕其餘皆九人一夕且
聖王制禮本以防淫黃老養生亦惟寡欲一人之身
一夕九合雖金石之軀亦將虛銷而速泐矣况古者
人君圓丘方澤朝日夕月山川社稷禴祀蒸嘗爲禮
至繁動輒三日齋七日戒而可以無夕不御乎是齊
高緯金海陵之所不爲而謂聖世有此制乎鄭玄釋
經類多難信如此 文獻通考曰王莽興造必欲依
古經文劉歆言周有泉府之官收不售與欲得卽易
所爲理財正辭禁民爲非者也莽乃借泉府之說立

五均之官令民採山澤者畜牧者紡績者以至醫巫
技藝各自占所爲而計其息十一分之一以其一爲
貢則是直攫取耳 胡氏曰周官內府膳夫酒正有
王及后世子不會之文此非武王周公之法也日用
之切身者莫大乎膳服而易以溺人者莫若酒今以
尊貴之故惟意所取不限多少珠襦玉食長夜之飲
由此起矣豈聖人節以制度自家刑國之道哉 楊
升庵云易噬嗑九四噬乾肺得金天玉弼註金剛也
矢直也本義乃引周禮古之訟者先入鈎金束矢而

後聽之黃東發云若先取出金而後聽其訟武周酷吏之所不爲况成周之世哉 劉歆逢王莽之惡欲以威劫羣臣遂僞作周禮云誓大夫曰鞭附于條狼氏夫刑不上大夫焉有周公制禮鞭撻大夫者 周禮秋官有屋誅之文鄭玄註曰誅及三族古者罪人不孥豈有葬三族者之令典蓋漢人下蠶室類耳 會而禮不備亦謂之遇娶而禮不備亦謂之奔仲春二月會男女于是時也奔而不禁奔者謂不備禮也若以淫奔例解之則大失先王之意矣

戰勝不用兵刃

凡戰鬪以兵矢之犀利爲上故曰兵甲不利以其卒
予敵也矢盡糧絕而張空拳冒白刃李陵所以興嘆
耳乃有氣蓋千人勇敵萬夫不待兵刃而出奇取勝
者此則孫吳之兵法所不及載也 太平御覽云武
王曰五帝之時無守戰之具國存者何太公曰守戰
之具皆在民間耒耜者是其弓弩也鋤耩者是其矛
戟也箠笠者是其兜鍪也鑷斧者是其攻戰之具也
鷄狗者是其鉦鼓也 後漢書桓帝延熹二年燒當

八種寇隴右以段熲爲校尉將兵及湟中義從羌二千人擊破之追討南渡河募先登懸索相引弓折矢盡且鬪且行晝夜相攻割肉食雪三十餘日遂至河首積石山出塞二千餘里前後斬首虜并受降各萬餘人會段熲坐事徵羌遂陸梁覆沒營塢寇患轉盛中郎將皇甫規張奐雖擊破之而寇不已復遣段熲擊之自春及秋無日不戰虜遂飢困敗散凡破西羌斬首二萬三千級獲生口數萬西羌于是弭定夫斬級至于如是之多豈可謂之不用兵刃哉當其弓折

矢盡割肉食雪之時固已氣吞胡虜所持不在兵刃
矣予序戰勝不用兵刃應推此爲首也 三國志許
褚勇力絕人漢末聚少年及宗族數十家共堅壁以
禦寇時汝南葛陂賊萬餘人攻褚壁褚衆少不敵力
戰疲極兵矢盡乃令壁中男女聚治石如杆斗者置
四隅褚飛石擲之所值皆摧碎賊不敢進糧乏偶與
賊和以牛與賊易食賊來取牛牛輒奔還褚乃出陣
前一手逆曳牛尾行百餘步賊衆驚遂不敢取牛而
走由是淮汝陳梁間聞皆畏憚之 抱朴子云三國

吳賀齊討黠歙山賊賊固黠之林歷山山甚峻絕又
工禁五兵每交戰刀劍不能拔弓弩還自向齊曰吾
聞金有刃者可禁蟲有毒者可禁不能禁無刃物矣
乃多作勁木白楛選有力者五千人先登捉楛擊賊
賊不知備所殺萬計 呂東萊云周世宗攻兩淮淮
人結集保伍截紙爲甲號白甲軍大敗周師 晉書
劉琨在晉陽賊圍之數重城中窘迫無計琨乃乘月
登樓清嘯賊聞之皆凄然長嘆中夜爲奏胡笳賊流
涕歔歔不覺懷土之切向曉復吹賊遂棄圍走 晉

書云劉峙常避亂塢壁賈胡欲害之者于野曠長胡
笳而吹之爲出塞之聲動遊客之思羣胡卒泣遁而
去 南史齊高帝蕭道成初遷巴陵上衛軍司馬隨
鎮會稽時江州刺史晉安王子勛遣臨川南史張淹
自鄱陽嶠道入三吳明帝遣帝討之時朝廷器甲皆
充南討帝軍容寡闕乃編椶皮爲馬具裝折竹爲寄
生夜舉火進軍賊望見恐懼未戰而走 北齊循吏
傅郎基字世業累遷海西鎮將梁吳明徹率衆攻圍
海西基獎勵兵民固守百餘日軍糧且罄戎仗亦盡

乃至削木爲箭剪紙爲羽圍解還朝僕射楊愔迎勞
之曰卿本文吏遂有武畧削木剪紙皆無故事班墨
之思何以過此 周書王罷字能罷齊神武遣韓軌
討馬子如從河東宵濟襲罷罷不覺比曉軌衆已乘
梯入城罷前固木起聞閣外洶洶有聲但袒身露髻
徒跣持一白棒大呼而出謂曰老罷當道臥貉子那
得過敵見驚退 北史後魏河間王琛有婢朝雲善
吹箎能爲團扇歌隴上聲琛爲秦州刺史諸羌外叛
屢討之不降琛令朝雲假爲貧姬吹箎而乞諸羌聞

之悉皆流涕迭相謂曰何爲棄墳井在山谷爲寇耶
相率歸降秦民語曰快馬健兒不如老嫗吹篴 隋

書云達奚長孺擊突厥衆寡不敵長孺將兵二千突
厥十餘萬衆遇于周盤軍中大懼長孺神色慷慨且
戰且行轉鬪三晝夜凡十四戰五兵咸盡士卒以拳
毆之手皆見骨殺傷萬計俱焚屍慟哭而去 唐書

河西節度使王忠嗣使哥舒翰擊吐蕃吐蕃枝其軍
爲三行從山差池而下翰持半段槍迎擊之所向披
靡于是名蓋軍中 朝野僉載云太宗時西國進一

胡善琵琶作一曲琵琶絃撥倍粗上每不欲番人勝
中國乃置酒高會使羅黑黑隔帷聽之一編而得謂
胡人曰此曲吾宮人能之取大琵琶遂于帷下令黑
黑彈之不遺一字胡人謂是宮女也驚嘆辭去西國
聞之降者數十國 玉堂閒話云蜀師戍固鎮有巨
帥曰費鐵嘴者本于綠林多使人行劫而納其貨一
日劫村庄纔合夜羣盜至村四面壞壁而入民家燈
火尚熒煌丈夫悉遁去惟一婦人以杓揮釜湯潑之
一二十輩無措手爲害者皆狼狽奔散婦人但秉杓

據金畧無所損旬月後費部內猶有面如瘡癩者費
終身耻之 獨異志云唐太和初滄景節度使李同
捷叛王智興帥徐泗兵討于棣州時同捷遣一能言
者坐城上戰棚罵智興軍吏耻之智興蒙首掩耳不
忍聞有一卒曰此可用拋石擊去其首智興曰若中
賞汝千金乃具拋發一石正中其首隨石迸落軍中
歡呼城上飛動 冊府元龜云晉高祖從唐應順末
自河東敗鎮常山承諾詣關會少帝失位與數百騎
欲奔鄴夜與少帝相迎獲嘉東遂俱入衛郡泊郵舍

中時劉知遠從行是夜偵知少帝伏甲欲與從臣謀害晉高祖詐屏人對語方坐于亭廡知遠遣御史石敢袖鎚立于後伏甲者俄起左右驚擾敢素有勇力擁晉高帝入一室以巨木塞門敢力當其鋒尋死焉知遠乃解所佩刀隔窓授晉高祖既出有數卒逐知遠知遠時無佩刀遇夜晦以在地葦炬未燃者奮而擊之人謂其短兵也遂敗走帝乃匿身長垣下隔垣聞人相告云石太尉已死矣知遠審其語則帝所親騎將李洪信也知遠因呼而召之曰太尉無恙出是

坎垣求出其垣劃然顏落有神助焉 夢溪筆談云

元豐中夏戎之母梁氏遣將引兵卒至保安軍順寧
塞圍之數重時塞兵至少人心危懼有娼姥李氏得
梁氏陰事甚詳乃掀衣登陴抗聲罵之盡發其私虜
人度李終不可得恐且得罪遂托以他事中夜解去

月因地異

月照萬川處處皆同乃光之所射有因地而異者又有因中秋而更異者皆事理之未可易測者也朱平酒云宿遷縣西北馬靈山凡中秋遇月張布幔其上月光照井一無所隔餘日則否時有白氣冲出下必有異人不能測按志云馬陵井每中秋夜月輪正照井底陰晦之夕殊有月光若天時晴朗以幕蓋之光徹其下七修類事云杭之鳳凰山有石如片雲板地高數丈將顛有一竅尺餘各日月巖惟中秋之

月穿竅而出他月則斜出竅外 林泉隨筆云蒲江

有月泉其水晦日卽涸月生明則漸瀉出未望則長

既望則滿故名日月泉 一統志廣東始興縣有朔

水月朔卽漲至晦卽減故名與月泉相類 名勝志

云雲南永昌府永平縣花橋河水入于銀龍江去縣

治東半里每歲十月天晴時輒有白氣橫江上下充

滿月色相映蟠旋宛若銀龍有昌平橋跨之長四十

丈高二丈五尺廣二丈瓦亭十有二亦曰太平橋

又龍泉在汝州城西南其水瑩潔中秋之夕陰雲蔽

月俯觀泉內鬼形自若前人詩云我欲龍泉觀夜月
崆峒烟雨阻人行 山西澤州五門山形若城墉有
門凡五雙門之上中秋望月注射其間最爲圓朗他
處所無 蓬州資聖寺有金錢井每月月明輒有金錢
影浮水上 南溪縣桂輪山昔涪翁書大桂輪山四
字于其崖壁是山惟中秋見月故名 五臺山有明
月池人傳以紗帛障面目下視或見月在水中 荆
州興山縣有水月院有潭水每遇天陰月影常現故
名 西溪叢話云會稽天衣寺有半月泉泉隱岩下

雖月圓滿望池中只見其半最爲佳處李紳題詩云
殿湧全身塔池開半月泉紹興愚禿法聰鑿開沼名
滿月殊殺風景可惜也 咸价人嵩門山記云宿盧
巖寺曉過嵩門此門每至中秋則皓月當門駐少頃
門若半吞之如手擎圓鏡恰相受餘月望則否卽多
斜掩門左右不全見故爲特奇

以少少許勝敵

衆寡之不相當勢也孟子曰寡固不可以敵衆古之人如謝玄之破苻堅韓世忠之扼兀朮虞允文之勝金師彼衆雖數十百相倍然在我猶以千計以萬計也若寥寥數人而頓成大功則誠古今所難焉 後

漢書光武初拔邯鄲拜吳漢大將軍持節北發才郡突騎更始幽州牧苗曾聞之陰勒兵勅諸郡不肯應調漢乃將二十騎先馳至無終曾以漢無備出趣于路漢卽搗兵騎收曾斬之而奪其軍北州震駭城邑

無不望風靡從遂悉發其兵引而南與光武會 公
孫贇以孝廉爲郎除遼東屬國長史常從數十騎出
行塞見鮮卑數百騎贇乃退入空亭中約其從騎曰
今不衝之則死盡矣贇乃自持矛兩頭施刃馳出刺
胡殺傷數十人亦亡其從騎半遂得免鮮卑懲艾後
不敢復入塞 三國志孫策攻劉繇于牛渚營又破
繇別將于海陵轉攻湖熟江乘皆下之進擊繇曲阿
繇同郡太史慈時自東萊來省繇會策至繇使慈出
往偵視慈時獨與一騎卒遇策于神亭策從騎十三

皆堅舊將慈傾前鬪策刺慈馬而擊得慈項上手戟
慈亦得策兜鍪會兩家兵騎並至乃各解散 二 三 四

志呂布走投袁紹紹與布擊張燕于常山燕精兵萬
餘騎數千匹布嘗御良馬號曰赤兔能馳城飛塹與
其健將數十騎馳突燕陣一日或至三四皆斬首而
出遂破燕軍 魏將曹仁留屯江陵吳將周瑜將數
萬衆來攻前鋒數千人始至仁登城望之乃募得三
百人遣部曲將牛金逆與挑戰賊多金衆少遂爲所
圍長史陳矯俱在城上望見金等垂沒左右皆失色

仁意氣奮怒甚謂左右取馬來矯等共援持之謂仁曰賊衆盛不可當也假使棄數百人何苦而將軍以身赴之仁不應遂披甲上馬將其麾下壯士數十騎出城去賊百餘步迫溝矯等以爲仁當住溝上爲金形勢也仁還渡溝直前衝入賊圍金等乃得解餘衆未盡出仁復直還突之拔出金兵亡其數人賊衆乃退矯等初見仁出皆懼及見仁還乃嘆曰將軍真天人也三軍服其勇太祖益壯之又三國蜀志云曹公入荊州先主奔江南曹公追之一日一夜及于當

陽之長坂先主聞曹公卒至棄妻子走使張飛將二十騎拒後飛據水斷橋瞋目橫矛曰身是張翼德也
可來共決死敵皆無敢近者故遂得免 蜀志關雲

長在曹操軍中袁紹遣大將顏良攻東郡太守劉焉
于白馬操使張遼及羽擊之羽望見良麾蓋策馬刺
良于萬衆中斬其首而還 五代時宋高祖伐羌假

胡藩寧朔將軍參太尉軍事統別軍至河東暴風漂
輜重艦度北岸羌率得此艦取其器物藩氣厲心憤
率左右十二人乘小船逕往河北賊騎五六百見藩

來並笑之籓素善射賊應弦而倒者十許人賊皆奔退悉收所失而返後周書云侯莫陳崇從賀拔岳入關破赤水蜀時万俟醜奴圍岐州遣其將李尉遲菩薩將兵向武功崇從岳力戰破之乘勝逐北解岐州圍又赴百里細川破賊帥侯伏侯元進柵醜奴率其餘衆奔高平崇與輕騎逐北至涇州長坑及之賊未成列崇單騎入賊中于馬上生擒醜奴于是大呼衆悉披靡後騎益集遂大破之及岳爲侯莫陳悅所害崇與諸將同謀迎太祖太祖至于原州刺史史歸

猶爲悅守太祖遣崇襲歸乃星夜往輕將七騎直到
城下餘衆皆伏于近處歸見騎少遂不設備崇卽入
據城門時李遠兄弟在城內先知崇來于是中外鼓
噪伏兵悉起遂擒歸斬之 宋書孫恩亂遣劉牢之
往討以劉裕叅府軍事牢之遣裕與數十人覘賊卒
遇賊衆數千與裕戰所將人多死而裕獨奮長刀殺
傷賊衆已而衆騎並至遂平山陰恩遁入海 唐書

太宗爲秦王時將驍騎五百出武牢東二十餘里覘
竇建德之營緣道分留從騎使李世勣等將之伏于

道傍獲餘四騎與之偕進秦王謂尉遲敬德曰吾執
弓矢公執槩相隨雖百萬衆若我何去建德營三里
所建德遊兵遇之以爲斥堠也秦王大呼曰我秦王
也引弓射之斃其將建德軍中大驚卽以六千騎來
追從者失色秦王曰汝第前行吾自與敬德爲殿于
是秦王按轡徐行追騎將至則引弓射之隨輒斃追
者懼而止止而復至秦王前後凡射殺數騎敬德亦
殺十數人追者不敢逼秦王遂巡稍却世訃等伏兵
奮擊大破斬之獲其驍將以歸 隋唐嘉話云禦建

德之役突厥未戰太宗望見一少年騎驄馬鎧甲鮮明指謂尉遲公曰彼所乘真良馬也敬德請取之上曰輕敵者亡以一馬損公非我所願敬德自料致之萬全及馳往并擒少年而返卽王世充子偽代王琬也帝旌其能將馬賜之 唐書史思明至偃師李光弼趨河身以五百騎殿已入三城賊使驍將劉龍仙以騎五千挑戰加右足馬鬣上嫚罵光弼光弼顧謂諸將曰孰能取是左右以白孝德對光弼召問所須幾兵對曰願出五十騎見可而進大軍鼓譟以張吾

氣足矣光弼撫其背遣之孝德擁二矛策馬絕河半
濟龍仙見而易之將至若引避然孝德振手止之曰
侍中使致辭無他也因與語久之瞑目曰賊識我乎
我自孝德也乃躍馬前搏城上因大譟五十騎繼進
龍仙環隄而走孝德追斬其首以還 乾符二年黃
巢衆已數千攻掠浙東至臨安時錢鏐爲董昌偏將
曰金鎮兵少而賊兵多難以力禦宜出奇兵邀之乃
率勁卒二十人伏山谷中巢先鋒度險皆單騎伏弩
射殺其將巢兵亂鏐引勁卒蹂之斬首數百級鏐曰

此可一用耳若大衆至何可敵耶乃引兵趨八百
八百里地名也告道旁媼曰後有問者告曰臨安兵
屯八百里矣巢衆至聞媼語不知其地名皆曰向十
餘卒不可敵况八百里乎遂急引兵過 五代梁霍
存初從黃巢巢破歸降太祖累立戰功蔡賊張郢在
汴北存以三十人攻其營破之 周書劉亮以功
拜大都督侯莫陳悅嘗賀拔岳亮與諸將謀迎太祖
悅平悅之黨幽州刺史孫定兒仍據州不下涇秦靈
諸州悉與定兒相應衆至數萬推定兒爲首以拒義

師太祖令亮襲之定兒以義兵猶遠未爲備亮乃將
二十騎先登纛于近城高嶺卽馳入城中定兒方置
酒高會卒見亮至衆皆駭愕莫知所爲亮乃麾兵斬
定兒懸首纛令賊黨仍遙指城外纛命二騎日出追
大軍賊黨惴懼一時降服于是諸州羣賊皆卽歸欵
亮以勇敢見知爲時名將兼屢陳謀策多合機宜太
祖曰卿文武兼資卽孤之孔明本名道德乃賜名亮
并賜姓侯莫陳氏 達奚武委心事周太祖太祖進
圖弘農遣武從兩騎覘動靜武與其候騎遇卽便交

戰斬六級獲三人而返齊神武趨沙苑太祖復遣武
追之武從三騎皆衣敵人衣至日暮去營百步下馬
潛聽其軍號因上馬入營若燉夜者有不如法者往
往撻之具知敵之情狀以告太祖太祖深嘉焉 楊

忠武藝絕倫從魏孝武爲東魏荊州刺史辛纂據襄
城忠從獨孤信討之纂戰敗退走信令忠與都督康
洛兒元長生爲前驅馳至其城叱門者曰今大軍已
至城中有應爾等求活何不避走門者盡散忠與洛
長生乘城而入學芳大呼纂兵衛百餘人莫之敢禦

新纂以桐城中僞伏後從周太祖狩于龍門獨當一
猛獸左拔其腰右拔其舌太祖壯之北臺謂猛獸爲
拊于因以字之周書韓雄字木蘭爲徐州刺史東
魏東雍州刺史郭長畧與雄接境頗爲邊患雄密圖
之乃輕將十騎夜入其境伏於道側遣都督韓仕于
畧城東服東魏人衣服詐若自河陽叛投關西者畧
出馳之雄自後射之再發咸中遂斬畧首後周書

天和元年陝州總管尉遲綱遣魏玄率儀同宇文能
趙乾等步騎五百于鹿盧郊南邀擊東魏洛州刺史

獨孤永業永業有衆二萬餘人玄輕將五騎行前觀
之卒與之遇卽使交戰殺傷數十人遂獲馬并甲稍
等永業遂退 南史薛安都少以勇聞身長七尺八
寸便弓馬仕魏宋文帝元嘉二十一年奔宋孝建元
年除左軍將軍及魯爽反叛遣安都及沈慶之濟江
安都望見爽便躍馬直往刺之應手倒左右范雙斬
爽首爽世梟猛咸云萬人敵安都單騎直入斬之而
反時人皆云關公斬顏良不過是也 蕭摩訶果毅

有勇力侯景之亂陳武帝赴援建業蔡路養起兵拒

武帝摩訶時年十三單騎出戰軍中莫有當者及路
養敗摩訶歸侯安都齊兵入寇武帝遣安都北拒安
都謂摩訶曰卿驍勇有名千聞不如一見摩訶對曰
今日令公見之及戰安都墜馬被圍摩訶獨騎大呼
直衝齊軍齊軍稍解去安都乃免大建五年衆軍北
伐摩訶隨都督吳明徹濟江攻秦郡時齊遣大將尉
破胡等率衆十萬來援其前隊有蒼頭犀角大力之
號皆身長八尺膂力絕倫其鋒甚銳又有西域胡婦
守弓矢法無虛發將戰明徹謂摩訶曰若殪此胡婦

軍奪氣君有關張之名可斬顏良矣摩訶曰願得識其形狀明徹乃召降人有識胡者云胡絳衣褲皮裝方兩端骨弭明徹遣人覘視知胡在陣仍自酌酒飲摩訶摩訶飲訖馳馬衝齊軍胡挺身出陣前十餘步發弓未發摩訶遙擲銃鏡正中其額應手而倒齊軍大力十餘人出戰摩訶又斬之于是齊師退走九年明徹進軍呂梁與齊大戰摩訶率七騎先入手奪齊軍大旗齊衆大潰及周武帝滅齊遣其將宇文忻爭呂梁忻時有精騎數千摩訶領十二騎深入周軍縱

黃奮擊斬馘其衆。唐史李光顏本河曲部落稽阿
跌之族從河東軍爲裨將元和元年討蔡詔使當一
面光顏壁激水明年大破時曲初賊晨厭其營以陣
衆不得出光顏毀柵將數騎突入反往一再矢集身
如蝟時光顏子攬馬鞅泣諫光顏挺劍叱之士爭奮
擊賊乃潰時諸鎮兵環蔡十餘屯相顧莫肯前獨光
顏先敗賊。南史南齊周盤龍與魏軍戰其子奉叔
單馬率二百餘人陷陣魏萬餘騎張兩翼圍之一騎
還報奉叔已沒盤龍馳馬奮稍奔魏軍魏人莫不破

慶時奉叔已大殺魏軍得出矣。盤龍不知。乃東。擊魏軍。奉叔見其父久不出。復躍馬入陣。父子兩騎。榮悅數萬人。魏軍大敗。盤龍父子由是名播北國。高帝嘉盤龍功。送金銀十二枚。與其愛妾杜氏。手勅曰。餉周公阿柱。唐餘紀傳云。鄭彥華福州人。少隸節度使李弘義帳下。常射殺乳虎。以勇聞。中主出師。募福州主將。遣卒李興登樓車罵弘義。弘義不勝。公募生得興者。彥華請行。夜縋出城外。伏濠邊。詰旦興登車。指弘義樓罵。彥華操長鈎。鈎得興。挾以登城。城上

皆鼓譟弘義得輿而甘心焉。宋史。王德字子華。通
遠軍熟羊砦人。以武勇應募。隸熙帥姚古。會金人入
侵懷澤。遣德謀之。斬一酋而還。補進武校尉。古曰。能
復往乎。德從。十六騎徑入隆德府治。執偽守姚太師。
械獻于朝。欽宗問狀。姚曰。臣就縛時。止見一夜叉耳。
遂呼德爲夜叉。青溪寇軌云。童貫爲江淮荆浙宣
撫使。移師南下。征方臘。至秀州。累敗賊鋒。追至幫源
洞。賊尚二十餘萬。與官軍力戰而敗。溪據巖穴。爲三
窟。諸將莫知所入。韓世忠時爲王淵裨將。潛行

蔡谷問野婦得徑卽挺身直前度險數重搏其穴格
殺數十擒臘以出并取臘妻子符印及方肥等其黨
皆潰 范公過庭錄云 忠宣謫于信陽時漢上有巨
賊曰羅塹擁衆雄視一隅忽直壓郡界僅三十五里
一郡惶怖失措朝夕危陷忠宣集郡僚謀守禦計皆
懦怯無敢當者有酒吏秦生請行忠宣命羅適尉欲
假之衆秦曰無益也以數十騎直對賊壘值賊置晏
軍勢甚張賊副小關索者領十餘騎飲馬河側隔河
問秦曰你爲誰胡至此秦曰吾信陽巡檢來取爾首

耳賊笑曰爾無輕命吾貸爾告若曹速降吾無爾害
秦罵曰狂賊敢大言吾惟爾首之得秦因坦膺謂賊

曰爾敢射我乎賊彎弓射之不中秦復射中賊小關
索心而死數十人駭散秦卽鼓衆絕河掩其不備賊
衆皆烏合且醉不能禦竄走林谷一境獲安奏功于
朝進數官 明之初花雲虜黑而驍勇絕人已謁

太祖于濠每單騎前行所向無不克常遇盜數百獨
戰三日乃擒殺之 永樂中盱眙端授金山衛指
揮有倭寇至端與郤指揮分兵出戰郤全軍覆沒賊

入城斷橋兵不能渡端躍馬渡河入西門與戰被箭
如蝗轉戰不休賊掠染家布橫于街端以一劍挑布
一劍截之得馳出東門招散兵焚賊舟絕其歸路賊
遂大敗 王問祿庭聞述畧景泰己巳也先退後總
兵石亨坐張掖門飛樓上望見一虜騎舉旗一虜騎
挾弓矢將薄城下亨在彪請出斬之持斧騎而往亦
從一騎揚旗前迎虜彎弓引滿發矢射彪亨遙見彪
騎上如瓜墜地彪縱騎奮而前一斧砍落虜首舉旗
虜騎遁去獲其弓亨彪共挽不能開如瓜者乃馬鞞

判官頭戰馬制此獨高可以遮胸必瘦木乃堅今尚
射斷若使低而不堅一發透心矣虜力亦勇哉首大
如斗非彪曷敵也 我知子寇志云黃得功副將林
報國勇敢當先爲得功前鋒所向有功左金王老猢
猻革里眼等數禪之革賊大管隊二將者五營中以
驍勇聞設伏以待報國報國恃勇深入墮其伏中二
將截戰射傷報國之馬報國步戰遂不得脫二將提
報國首上山馬誘得功蓋恃其有伏也各路兵皆集
無一敢前得功正切齒欲爲復仇匹馬直取二將賊

兵四起用挽鈞鈞取得功得功奔回二將追近得功
回身一箭中喉落馬賊兵救奪得功鐵鞭打開提歸
二將之級以祭報國群賊喪氣我兵驚散自是賊營
相傳須避黃鬪矣 珍珠船云唐高祖以十二人破
草賊號無端兒數萬 山堂肆考唐肅宗時雍王适
爲元帥討史朝儀僕固懷恩遣驍騎及回紇出賊柵
東表裏合擊大破之朝儀悉其精兵十萬救之官軍
不能動鎮西節度使馬璘遂單騎奮擊奪賊兩牌突
入萬衆中賊左右披靡大軍乘之而入賊遂大敗